



說川史歷會社編長

百年近最
上海歷史演義

行印店書星南海上

百 最 近 上海 歷 史 演 義 [六]

目 次

- | | | |
|------|-----------|-----------|
| 第五一回 | 綠女紅男須循軌道 | 長阡短陌不若心田 |
| 第五二回 | 地理迷茫甲衰乙盛 | 天生奇傑乞巧車夫 |
| 第五三回 | 秋燕春鴻王孫賚志 | 花殘月缺倩女離魂 |
| 第五四回 | 妓院有同命鴛鴦 | 官場惟醉心風月 |
| 第五五回 | 花明柳暗春色深藏 | 酒綠燈紅鉅家貽笑 |
| 第五六回 | 急色登徒紅顏薄命 | 尋芳令尹白首空盟 |
| 第五七回 | 名襲瀟湘館夏姬再世 | 舟行印度洋春色雙探 |
| 第五八回 | 萬里星轺花明海外 | 一官風厲竹牘庭前 |
| 第五九回 | 明月不歸春俠腸全負 | 留珠可返櫳卓識堪師 |

六集目次

第六〇回 賽馬圍場此地誰悲宿草 飛駒過隙霎時頓易滄桑

百年近史演義【六】

南沙 張恂九著

第五十一回

綠女紅男須循軌道 長阡短陌不若心田

却說徐家匯天主堂中之天文臺。既有賽基風機。可知風之遲速大小。又有風雨表。可知風雨時之度數。而正廳西北偶。有一玻璃櫃。內藏天文儀器。有窺星午鏡一具。用時必在夜間九時。用以校正時鐘。旁有時鐘二架。極為準確。約十晝夜僅差一秒鍾。一年僅差三十六七秒而已。台中即以此鐘報午時。記號於信旗台。台設於黃浦灘洋涇浜口。英法

第五十一回 綠女紅男須循軌道 長阡短陌不若心田

第五十一回 緣女紅男須循軌道 長阡短陌不若心田

租界交界處。自一千八百八十四年以來。迄今已四十餘年。每日報時報風設有專例。台之東南偶有方廳一座。內設磁石測驗所。各國來間訊者。有四百餘處之多。此台之有價值可見。第四爲藏書樓。上海號爲文明之先導。乃無公共之藏書處。而徐家匯反設有此樓。樓在天文台正廳之西。有上下二層。上層屬英文。西書多古本。爲不可多得者。人皆賞之。天文算學等。另貯一部。供神父等隨時研究應用。下層屬中文。分列經史子集。悉遵四庫書目編制。志書一門。最關重要。搜羅至千餘種之多。旁及佛經及古錢古碑之類。琳琅滿目。美不勝收。第五爲聖衣院。在土山灣慈雲橋之東。創於同治帝初年。專備教中守貞之女子。超世絕俗。修道至最高之地位。中西俱有。但祇寥寥二三十人。其宗旨專以

克己修身祈禱爲事。會規極嚴。雖與家人晤面。亦不得久談。終其身不肉食。每年自陽歷九月望日起。至明年耶蘇復活瞻禮時止。名守齋期。惡衣粗食。寡慾清心。日間或工作。或祈禱。無時休息。卽中夜亦須起身祈禱。雖無直接傳教之行爲。而以禱祝之誠心。求諸天主。賜福國家社會。其立身之堅苦。旨趣之高潔。功業之悠遠。教中人均歎爲望塵莫及。致十分之敬禮。第六爲徐匯公學。及其附屬小學。創於道光帝之季年。分中學高小附屬三組。學生達四百餘人。教職員三十餘人。校長爲翟神父。法人操華語之流利。幾駕華人而上。之事無大小。躬自處理。學生盡寄宿。不收通學。教室臥室膳廳等百數十間。近更添建四層高大之洋房。操場廣逾二十畝。功課之高深。管理之嚴肅。吾國學校。莫與之儔。

第五十一回 綠女紅男須循軌道 長阡短陌不若心田

畢業後或升震旦。或遣出洋。決不致造成高等游民。附屬類思初等小學生徒二百以外。大好青年。吾人自不教育。而使外國教會操教育之權。其裨益青年。固非淺鮮。其如國體何。此不獨士大夫之羞也。第七爲聖母院。凡遨遊徐家匯之人。莫不知有聖母院。其院爲天主教大事業之一。占地百畝。二橋橫空。兩水瀠瀠。女牆之內。崇樓傑閣。不知西東。創於咸豐帝初年。始在徐家匯東南里許。地呼王家堂。同治帝七年遷至今址。內分女修院。崇德啓明兩女校。聾啞學校。幼稚院。育嬰堂。刺繡所。花邊間。裁縫作。浣衣廠等種種。部勒精詳。秩序畫一。可容千數百人之衆。實教育工藝暨慈善事業之偉觀。近來教育家競談職業教育。其實不必取法乎遠者大者。卽聖母院已足模範一切。文明空氣日甚一日。

凡慈善工藝教育。持社會主義者。每於形式精神。加意研求。當不讓於教會。惟女修院與育嬰堂。其道德之高尚。辦法之完善。迥非教外人所能頡頏。女修院分拯亡會。獻堂會兩部分。拯亡會之修女。專掌女界教育。及傳授刺繡花邊等美術。兼管育嬰堂事務。現有中西修女五十餘人。分任一切。獻堂會則悉係中國貞女。凡二百餘人。分發江蘇安徽等省。耶教已普及之地方任事。留院供職者亦二十餘人。前上海之蘇報。實革命之機關報。以排斥滿清為職志。始創之人。為陽湖陳夢坡。後以指西太后為淫媼。德宗為民賊。清吏商諸上海領事。按名逮捕。杭州人葉瀚知其事。密告之。陳偕蔡元培吳敬恒等出亡。而官吏務欲得陳。而甘心。命偵探化裝往訪。會計程敬叔出而招待。陳與程同音。偵探以及

第五十一回 綠女紅男須循軌道 長阡短陌不若心田

爲卽館主陳夢坡也。遂拘以去。夢坡走日本。辛亥後始返滬瀆。善自韜晦。不聞外事。越歲癸丑。無聊之甚。貧而且病。侘傺以亡。繼而子亦死。孫亦夭。一家遂絕。彌留之際。惟其次女公子幼庵侍側。陳夢坡最後之痛言。惟耶教可以救亡一語。幼庵曾游學日美兩國。通其言語文字。國學尤深。至是感懷身世。悽愴非常。遂捨身入聖母院守貞宗仰獻堂會殉國殉教。忠孝萃於一門。殊爲難得。陳夢坡氏與吳敬恒章炳麟蔡元培三人同爲揚子江下游革命之先覺。惟陳氏較諸人最不得志。有此女公子。亦可含笑於九泉。育嬰堂並收男女小孩。男孩滿七八歲。送入土山灣育嬰堂。女孩則教以文字書算刺繡花邊等藝術。量才學習。年長則爲之擇配。旣嫁之後。仍棲居於聖母院附近。日間作工於院中。自食。

其力而有餘。且有一事。中國人之自辦育嬰堂者。可爲殷鑒。慈善團體中所辦育嬰堂殆遍。設備不良。保護不周。如出一轍。最難堪者。恩孩一入此堂。終身不知己之身體。從何而來。泊爲他人輾轉朦混領去。主其事者。祇要有利可圖。出外後。概不顧問。女孩或爲人販買爲妓女。作婢妾。墮落地獄。不可究詰。此等爲善不終之舉。還是不辦。若聖母院之育嬰堂。則異是。嬰孩入院。爲之詳記姓字里居。親生之父母。如可查攷。由堂內通知。仍得以時相聚。非若別處育嬰堂。專收就近私生子。不明來歷。故四鄉貧民。感激異常。且辦法既善。使將來交收其益。不致使院中感經濟之困乏。留養堂中之嬰孩。常有四五百名。自創設迄今。共收一萬二千八九百名。其造福於兒童。實無涯涘。試問聖母者。何人。卽耶穌。

第五十一回 緣女紅男須循軌道 長阡短陌不若心田

之母瑪利雅。瑪利雅高潔絕世。實足母儀萬世。目下吾國女子去高潔二字。愈趨愈遠。提倡教育不足以救之。反足以害之。全國有眼光有身價之人。每稱徐家匯之聖母院。爲養成女子人格惟一之學校。此院之發達。遂一日千里。中國幸有此院。得以養成少數高潔女子。彼提倡不良教育者。能無對之生愧。有人言聖母院規則太嚴。慣於嬌養之女子。恐因不便而逃學。事誠有之。而際此世風波靡。更不可不取嚴格主義。卽如岑春萱之女公子。豈不生小嬌養。亦於其中而處之泰然。可見萬事俱在人爲。無不能成就之事焉。上海自闢租界以來。西人經商傳教。及工業從政等。旅居此地者。日多一日。當然死亡之數亦不少。而以骸骨歸葬本國。則未之有聞。其瘞骨地點。一在英租界二馬路警鐘樓之

下一在靜安寺路西段之左。法國人則在法租界霞飛路巡捕房東首。此數者皆爲西人墳墓所在地。西俗有葬事。凡管墓之司事丁役與工部局之醫官。皆須到場。各司其職。墓旁屋內。另設掌簿籍之人。載明某人葬某段。及方向號數。備家族或關係人到墓查閱。最文明之方法。則西人尙火葬。吾國祇有僧尼間用火葬者。其法以大小中等之缸兩隻。厚鋪草紙於缸底。將屍體盤膝而坐。周圍用石灰炭塊塞緊。將兩缸兩井。標明上下。缸口以油灰生漆膠縫。使無一針之孔。俾不致臭穢溢出。死後少則三日。多至四十九日。乾柴烈火在廣場上焚之。迨缸破其中屍體已成灰燼。俟火熄滅。乃拾其殘骨斷骼。包之以布。在佛座下掘一深穴。瘞之。或有不用缸而造一木龕。作四方形。宛如肩輿。以屍體令

第五十一回 綠女紅男須循軌道 長阡短陌不若心田

坐於板木上。上下四周亦用石灰與炭塊結實排緊。不使搖動。木龕外有隙縫。亦以灰漆嵌沒。及期焚化。此等辦法僅釋教有之。且死者必有嫡系之徒傳授衣鉢。始可承辦。聞福建有一特別風俗。青年男子忽焉夭亡。所娶之婦如誓不再嫁者。則戚族鄰里。慙憇其舉火焚死。擇定吉日。衆人咸到場環視。該婦盛妝豔服。自投烈燄中。頃刻畢命。環視之戚族鄰里。拍手表示歡送。到西方極樂世界。此種行動。揆諸人道主義。大爲違背。而不留臭皮囊於濁世。殊有清潔高尚之概。安徽休寧縣歙縣績溪等地。處萬山之中。亦有與此同類之風俗。人家女子既許字而未曾過門。結婚未婚夫不幸疾故。凶耗傳至。滬諺呼爲望門寡。而彼處上中等社會女子之父母。竟忍心害理。將其親生女活剝剝絕粒餓死。大

概人之不食餓死。不定以七天。最少不過三天。多者可旬日。以生理強弱。暨平時食量多寡而判然。至四十八小時。滴水不沾。則必宛轉呼號。慘不忍聞。苟父母決心死其女者。將咬緊牙關。置之不理。此由於篤守舊禮教。固執太甚。以父爲子綱。夫爲妻綱。諸謬說所囿。此二者。一甘焚死。一聽餓死。殺身成仁之後。地方官且命駕赴其家。與以褒揚。其家屬視爲無上之光榮。鄙見不如學步陳女公子後塵。捨身教會之高出萬倍。閑文且住。中國數千年錮蔽。在重死而輕生。所以佛經火化之文。祇適用於極少數之僧尼。平民而能悟徹解脫者。絕未見之。西人如遺言行火葬之理。須陳明於醫官。經醫官將死者診斷書驗明。方可施葬。倘屍體焚化後。仍欲掘地埋骨。或遷移一地。或建設碑石墓誌等。亦非陳

第五十一回 綠女紅男須循軌道 長阡短陌不若心田

請醫官不可。但亦需費銀十兩。若營造墳塋於其上。下等費銀五兩。中等十二兩五錢。上等二十五兩。邇來日本人。以其火葬之習慣。逆料不久推行於中國。乃特設焚化之爐灶一所。其法屍體以絲綿纏裹全身。不穿衣服。置之像身大小之四方木匣內。木匣形式似棺而小。以杉木製成。取其取容易著火。死後三日。將木匣放於爐灶之火門內。火門共有五孔。故同時可焚屍體五具。若用一門。則將其餘堵塞。爐灶上面中央有總火門。加入煤炭。引以電火。約經過三小時。木匣變成灰燼。肉體化完不可見。而骨骼則仍可檢出。如欲以此骨攜往他處埋之。另放一小木匣內。其匣長方形。可任便攜帶。日本素崇佛教。故火葬遺風獨盛。西國知此法之良善。迢迢數萬里。惟有死後瘞骨其地。久而久之地價。

昂貴如黃金。安得如許墓地。故亦漸次舉行火葬。吾國人則視死者如帝天。往往停柩於家。或厝宗祠之內。多至數百具。子若孫卜地擇年遷遲數世。以致覩棺木之朽腐。任風雨之摧殘。坐失事機。終不能入土以妥先靈。其泉下祖宗隱痛無極。吾國人迷信風水之習。牢不可破。記者試述目覩之事。彼迷信者可以廢然思反。吾鄉有葉氏者。族大財雄。爲一縣之冠。人當富貴時。何求不得。妻妾宮室車馬衣服。窮奢極慾。所不必得者。自己之壽數延。縣子孫之富貴永保。於是媚鬼神。求仙佛。覓風水。爲不易之理。葉氏閩族。抱此心理者。幾逾半數。所以年年聞葉氏某房改葬其曾祖。遷葬其祖若父。蓋所有良田千頃。予取予求。牛眠吉地。不必謀諸他人。有名元成者。其祖若父葬已有年。墓地在市街之北。

第五十一回 綠女紅男須循軌道 長阡短陌不若心田

第五十一回 緑女紅男須循軌道 長阡短陌不若心田

距所居不遠。元成席豐履厚。不失爲守成之子。某歲之秋。族人有延堪輿家卜葬地者。所延爲嘉興人。名錢若谷。據云係秀才。夙負看風水盛名。葉元成因家人多疾病。疑祖墓有所冲犯。乘便亦邀錢若谷到家。一相陰陽兩宅。詎知錢若谷指陰宅爲大不吉。信口開河。滔滔不絕。謂予不信。不以立驗。使工人以農具鑿穿墓下。深僅四尺。即有積水。墳外被水所浸。墳內可知完全爲水。此地墳穴本佳。爲前地師誤定偏右五尺。距後枕之河太近。故近二年變爲泛水地矣。幸覺察尙早。遲至五年。則君家殆將大敗。葉元成將信將疑。姑試之。使傭工翻掘墓足。果然去地三尺八九寸。似有泥漿。再掘尺許。則有水上湧。於是葉元成向錢若谷拜倒於地。曰。微高明指點。則後患何堪設想。爰以上賓待之。款留竟日。

錢若谷事畢。欲行。葉元成堅決攀留。固請下鄉覓地。將祖若父遷葬。錢若谷知超等買賣上門。安有放棄之理。僞作勉強之態。謂我家中聘閱地理者。門常如市。承君雅意。以三日爲限。不克多留。翌日。葉元成。帳房。將自己座船。開至鄉間。由司帳陪伴。錢若谷周行阡陌。葉元成個人名下。尙有祖遺田二千餘畝。不憂無地可葬。第三日。尋到沈莊之北首。竟得到一片良地。來龍去脈。清爽雄偉。卽由錢若谷手持羅盤。周圍奔跑。好幾遍。衣袋中取鉛筆一枝。洋紙一張。畫成草圖。而後偕司帳開船緩緩歸去。一路得意非常。及抵元成書室。向元成口講指劃。欣賞此項風水之佳不已。元成不勝快活。用紅紙封好鈔票四百番。奉贈錢若谷。另加川資二十番。面託一切。全權委任。欲知後事如何。且聽下回分解。

第五十一回 綠女紅男須循軌道 長阡短陌不若心田

詩曰。

第五十一回 緑女紅男須循軌道 長阡短陌不若心田

兒女全憑教育施。

庶幾天職不辜之。
昂藏自古終無有。

濁世疇能解脫時。

第五十二回

地理迷茫甲衰乙盛 天生奇傑乞丐車夫

却說葉元成迷信風水甚篤。故待遇地理名家錢若谷。非常之優厚。既酬勞其四百番。復加送川資二十錢。若谷用詔媚富人之本領。趨奉葉元成無微不至。拍胸自誇曰。某雖不敏。所有浙西朱門貴胄之葬地。悉出某之設計。科名將相。談言微中。故不見棄於上流社會。尊府遷墳之舉。某願完全負責。可操富貴壽考之券。決不是詐欺取財一輩可比。老翁何時進行辦理。恭候賜函關照。某當擋一切。踵府領教。作精密之察看。何如。葉元成不勝欣悅。殷勤款待。錢若谷復故作急迫語。謂目下令先人棺柩已宛在水中。雖僅二三個月以來狀態。然事不宜遲。免使

第五十二回 地理迷茫甲辰乙盛 天生奇傑乞丐車夫

冥途痛苦。葉元成連聲稱是。覺得此人能知大體。非比浦東尋常堪輿家。遂一再訂後會之期。送別登程。錢若谷從茲受葉元成聘。任幾次到浦東。接部就班。爲葉氏營遷葬祖先之大事。原來葉氏此墓。葬有九柩之數。遷移頗不容易。前後需時計八個月光景。費洋銀至六千塊之鉅。地係本人所有。還不作價。值錢若谷名下。共花去一千四百餘塊。新地既稱吉祥。舊日墓址棄如敝屣。任其荒廢。石灰磚瓦。狼籍彌望。田額倒有十畝零。有原籍寧波人陳浪雪。出身寒微。其祖父寄居浦東。一肩販賈。以糊口。浪雪生而聰敏。苦於無力讀書。乃自幼習洋貨業。店主人見其活潑伶俐。加以青眼。日中服務之暇。命其入塾。習學英文。彼時上海南北市教讀英文之夜館。如恒河沙數。優劣迥殊。陳浪雪所入者。適遇

教法不惡。本人亦奮勉用功。故市歲之後。居然陳浪雪能作普通橫行書信。且洋涇浜話亦習得流利。年齡十七。家有鄰舍許姓。開裁縫店。生一女三男。女子居長。手工尚佳。而貌極不揚。皮膚如漆。口鼻均歪。髮禿於頂。眼大如鈴。人目爲醜女兒。不料其父母別具隻眼。覩陳浪雪之習業辛勤。讀書攻苦。自動以年長二齡之醜女兒。許配爲夫婦。陳家父母恐家徒四壁。爲子娶婦之艱難。今有此機緣。正合其意。翩翩年少之郎君。儼斯怪狀之閨女。不問其子之願意與否。遽行文定。中國家庭專制。達於極點。可見一斑。而昔者民風淳樸。男女婚姻。絕對不許自由。悉憑家長之支配。與目下情形。成一反比例。明眼人自能判別。其善惡。未幾陳浪雪成婚。居然夫妻恩愛異常。無如開支增大。担负不易。而其祖若。

第五十二回 地理迷茫甲衰乙盛 天生奇傑乞丐車夫

父又營業不振。陳浪雪仰事俯畜，難以支持。乃改入某洋行爲夥。該洋行事營五金進出口。以浪雪能洋文通洋語，初爲寫字間副手。不及二年，洋東深爲信任，拔爲大寫。卽於職業以外，兼作個人名下貿易。一帆風順，十年未滿，積蓄近十萬金。其時乃祖乃父俱已下世。浪雪謀購風水地，以安瘞其先人。荏苒期年，聞葉元成家遷葬之後，舊地視同石田。託人詢諸元成，肯否割愛出售。元成首肯，遂估價交易。因此地風水已不成問題，照尋常田畝買賣。陳浪雪乃將祖父母及父母之棺木，卽依葉姓原葬之穴埋入。並未另延地師考核，孰知此地實係吉壤。古人言人傑地靈，信非虛語。葉姓吐棄之田，竟爲陳姓茂盛之基。陳浪雪初非識風水者，不過智識豐富，心地開通，人棄我取，得獲天利。自葬此地後，

三年。歐洲突發戰事。各國聯合與德國爲仇。外洋進口貨。日少一日。以五金爲尤。上海各項船艦。暨製造廠。翻砂作等。需鋼鐵銅鉛極大。一時來源斷絕。無貨可用。陳浪雪原置行走內河航線之輪船多艘。乘此時機。或將船身拆賣。或以原船出售。立時獲利百餘萬。并向日所積。計近二百萬光景。乃於黃浦沿灘。開設造船廠。專造內河往來小輪船。局面宏大。其事業方興未艾。由此言之。此項風水。何以不佑葉氏。而竟大啓陳氏。俗語云。陰地好不如心地好。又云。人定可以勝天。陳浪雪多財善賈。適逢其會。實則非風水之關係。現在鄉野。墳墓纍纍如貫珠。幾無一頃乾淨之田。苟平心細思。豈有隨處多佳風水之理。希望智識階級中竭力提倡火葬之法。其次設立公墓。人人可在此埋骨。則迷信風水之

第五十二回 地理迷茫甲衰乙盛 天生奇傑乞丐重夫

習慣。不攻自破。抑社會輕視生命。而視死亡者重於泰山。此等積習。糜費無限。亦應革除。雖賴有此積習而起家者。未嘗無人。苟社會真正進化。定能改變此狀。蘇州胥門外。有乞兒。姓姚。名咸林。原爲浙江省紹興人。生母早死。其父無力再娶。困守故鄉。生計斷絕。遂掣咸林謀食於蘇。年甫六七齡。詎知其父拙甚。仍貧乏不足自給。卽憂鬱而亡。咸林童稚無知。幸鄰右慈善家代爲釀資以斂。其父咸林幼離鄉井。凡親戚族黨之有無存沒。概屬茫然。智識未具。孑然一身。飄流街巷之間。無衣無褐。祇好效伍子胥吹簫吳市之故事。但簫不能吹。惟有叫喊以代簫聲。蘇州有古刹報恩寺。牆垣頽敗。金碧剝落。爲一羣乞丐之集合地。日夜食宿於斯。姚咸林窮無所歸。不得不與之爲伍。每日沿門托鉢。惟有所得。則

不與羣丐一處果腹。獨往附近小飯館耐食。日復一日。飯館主恆共談話。時姚咸林年屆成丁。性情驕謹。較他人能耐勞苦。飯館主頗重視之。嗣以蘇垣市面清淡。凡酒館飯館。均獲利極菲。羨慕上海之繁華。謀遷地營業。姚咸林懇主人挈帶。同來上海。主人固忠厚長者。欣然允諾。既抵滬。貨屋設肆。英租界之六馬路。即雇用咸林執燒火挑水之役。按月給以薪工大錢一千文。後生意漸漸興旺。月有贏餘。主人加給數百文。咸林以行乞度日之人。能食宿有方。不憂凍餒。於心已足。薪工所得悉數存儲。食客照滬例。須加十成一之小帳。又名堂彩。肆中生涯既盛。堂彩亦豐。咸林亦得派給若干。成可以多於薪工四五倍。勤勞終歲。得以儲積五十餘金。咸林從未囊中有錢。今若是私衷慶幸。此滿清光緒帝

第五十二回 地理迷茫甲衰乙盛 天生奇傑乞丐車夫

初元。荏苒數年。上海飯館業。有蘇申兩幫之別。而兩幫合建公所於城內穿心街。咸林之主人。被推爲蘇幫領袖。蓋斯時已分設支店於美法租界。暨南市華界。駿駿有公所主席資格。該主人以咸林誠實可靠。使管理建築公所事宜。雖然姚咸林目不識丁。而同業所醵公費。亦託其典守。寒風烈日中。奔馳跋涉。毫無倦容。同業皆器重之。落成後。卽公推咸林爲司事。總管公所事務。咸林年近三旬。猶未成家。目下漸有人格。一班同業中人。皆勸咸林娶妻。創立家庭。飯館主人亦以是舉。勉咸林趕辦。豈知咸林一概謝却。自傷身世飄零。父母早亡。若不逢主人提帶。迄今猶在卑田院中。末由自拔。立志終身不娶。則得錢可行善事。想到與本身境遇相同者。不知凡幾。吾幸而衣食有資。彼窮蹙無告之子。

啼飢號寒。其苦爲吾所親歷。推已及人。安敢有貪戀女色之心。雖古人言不孝有三。無後爲大。但由吾選擇一人。撫爲義子。未必不若親生。只要姚氏祖先。有承繼香火之人。不娶亦何害之有。故對於勸婚者。謝其美意。而不告所以。飯館公所定章。凡業中有貧無立錙。病歿不克爲殮。得支公款。以濟其衣衾棺木。一切夫役之費。并由公所支給。咸林旣經理此項。原兼充殮工頭目。務使款不虛糜。事從實際。咸林本見義勇爲。施不求報。及充此役。喪家多交口稱頌。旣而其名漸播。卽非公所之雇殮工者。亦惟姚咸林是問。供役日繁一日。手下人夫。亦日多一日。因上海扛抬棺柩之夫。同屬於殮工。咸林見貧戶之喪。從未計較工食之多寡。或遇赤貧者。或竟代任墮費。未嘗宣之於口。倘富豪之家。盛設殯儀。

第五十二回 地理迷茫甲衰乙盛 天生奇傑乞丐軍夫

鋪張揚厲。抬柩或用三十二人。或用六十四人。則多方要索。不許通融。稍拂其意。輒掉頭不顧而去。人以其作事公正。每樂就之。咸林之言曰。疾病死亡。人事所不可逃。然既死矣。魂魄消散。軀壳空存。無智愚賢否。都如幻夢。何必耗有用之金錢。作窮極華麗之裝飾。上海出殯之競爭。目爲應有之點綴。若用諸慈善。爲死者造福。豈非盡善盡美。彼旣浪擲錢文。吾不必與之客氣云。平日惡衣菲食。終身不御絲綢。不饗佳肴。雖有杯酒之嗜好。不過以春韭秋菘爲下酒。人有緩急就商。將伯呼助。莫不立應。或異鄉落魄。欲歸不得者。苟與之有一面緣。亦恆助以資斧。從未責人償還。上海租界。各省人士。視爲世外桃源。往往富紳巨室。來作寓公。下世後。忽焉中落。不得已出其祖若父珍藏之古玩書畫。求沽諸。

市。一時不卽脫手。而有燃眉之急。勢不能不貶其值。購主且乘其危而
抑勒多端。吹毛求疵。姚咸林不知則已。知則必予以相當之價銀。或有
心以贊鼎給之。夷然無色。人有譏其受愚者。但微笑而不答。其任俠尚
義爲何如。病歿之日。家內所蓄古董。值數萬金。遺產亦六七萬金。年逾
七旬。終其世持獨身主義。出殯之日。所有儀仗僧道。一概廢除。惟執绋
以送之男女。盈千人。細察之。小販苦力。居其多數。途中註足而觀者。皆
嘖嘖稱羨。並聞深致惋惜之詞。若姚咸林者。殊足爲世人之模範。彼擁
多金而吝嗇非常者。語以姚咸林能不愧死。上海可謂人海之區。乞兒
隊中。現出姚咸林。樂善好施。富貴不淫之畸人。而奇材異能。光明磊落。
苦力內亦未嘗無之。佳話流傳。事非烏有。今日者。萬紫千紅。花深似海。

第五十二回 地理迷茫甲衰乙盛 天生奇傑乞丐車夫

試問具慧眼者何人。卽斯徵逐之場已興今人不及古人之感。遑論其他。昔者有北市鉅商羅桂卿。蘇之洞庭山人家有一妻二妾。左擁右抱。豔福不淺。而猶日事秦樓楚館之嬉遊。清和坊洪媛媛與桂卿相交頗深。故桂卿時蒞其妝閣。一日桂卿雇用包車夫一名。崇明人。喚袁書勳。生得長身玉立。器宇軒昂。出言亦文雅。若穿起袍褂。望而知爲上等商人。決不類拉車之夫。羅見而異之。詢其家世。父爲老農。兄弟四人。姊妹三人。袁書勳行居第一。髫齡曾從村學究讀書。天姿頗佳。習字亦秀挺。嗣其父急欲書勳習業以糊口。遂爲南貨店學徒。迨三年學業期滿。與以薪工每月大錢四千文。其父因連歲荒歉。家中食指繁多。不敷開銷。無可奈何。命書勳改業。崇明孤懸海中。生計難以發展。只好赴上海謀。

之而一時安得相當之位置。自量拉車尚有力量。遂降格爲車夫。羅桂卿聆其語。卽另眼看待。日常公務辦完。時當傍晚。循例至洪媛媛家。袁書勳御車偕來。桂卿旣入門。書勳守候門外。洪媛媛之鄰居姓臧。名雲谷。本讀書種子。落拓不羈。並擅書畫。且有善相之術。精研麻衣相法。與洪媛媛時相談話。稔悉洪媛媛有擇人而事之意。嘗託臧雲谷留心物色。忽覩袁書勳在此。臧雲谷極爲詫異。自忖苦力社會。那得有此容貌。急赴洪處問伊何人。伊何人。洪媛媛以羅桂卿之車夫告。雲谷大爲賞識。爰告洪媛媛曰。卿苟不欲終老花叢者。擇人而事。此其選矣。該車夫年富力強。蛟龍非池中物。不久將升九天。幸速圖之。洪媛媛疑信參半。旣而思臧雲谷之相術。有神出鬼沒之機。其言定非無因。心中大動。卽

第五十二回 地理迷茫甲衰乙盛 天生奇傑乞丐車夫

囑雲谷爲撮合之人。翌日設筵招袁書勳上樓。書勳出諸意外。逡巡却步。欲行又止。臧雲谷走來。向袁書勳拍肩笑曰。君得志在邇。計日可待。吾等試一晤洪校書。遂挽袁書勳拾級而登。媛媛在房門外歡迎。見書勳竟然一表人材。奈何肯執拉車賤役。入坐甫定。侍兒端茶獻上。兩方寒暄幾句。洪媛媛卽速客人座。嘉肴旨酒。紛然雜陳。洪媛媛謂袁書勳曰。君生有異稟。前程遠大。後福無窮。臧先生之神相。妾素所篤信。如承不棄。路柳牆花。許訂白頭之約。則他日決不使君有內顧之憂。且可藉以發展事業。君其有意乎。袁書勳摸不著頭腦。莫名其妙。囁嚅不能置答。臧雲谷代洪媛媛引申意思。願嫁書勳。請勿疑惑。袁書勳始云。吾身爲僕役。豈可配偶。名姝縱承特垂青眼。奈家無長物。兩肩承一口。萬不

竟量珠以聘，金屋以藏，敬謝不敏。洪媛媛再三請求，立志堅決。藏雲谷亦以蹇修自任，竭力撮合。慙懾書勳一諾。書勳乃云：辱承美意，吾當遵從。但家有老父，邁母婚姻大事，自應作函稟告。洪媛媛藏雲谷兩人，均言此係正當辦法。惟函中須寫明不費分文，故絕無爲難之事。書勳以爲俟雙親寄到回函，始可定議。彼此允洽，洪媛媛取出鈔票一束，計一百元，贈與袁書勳，囑其本日同羅桂卿告辭解雇。以此鈔購冠履衣服，全身更換，務使煥然一新。此種消息傳布北里，中鶯鶯燕燕，莫不詫爲奇特。欲知後事如何，且聽下回分解。詩曰：

富貴功名夢一場。
世間萬事本天良。
距離十步生芳草。
拜金欺貧細攷量。

第五十二回

地理迷茫甲衰乙盛

天生奇傑乞丐車夫

第五十三回

秋燕春鴻王孫賚志 花殘月缺倩女離魂

却說洪媛媛立志許嫁袁書勳。係迷信藏雲谷之相術。袁書勳獲此奇遇。當然心花怒放。欣喜雀躍。不可名狀。消息發表之後。北里姊妹行。莫不資爲談助。向與洪妓深交之幾輩。旣妬且羨。涎垂三尺。而莫可如何。稔知洪妓閱人已多。手腕敏妙。面目漂亮。早經名噪一時。其手中私蓄。不下四五萬金。珍珠鑽石。亦足值三萬金。袁書勳一苦力。忽然人財兩得。此種幸福。洵從天半飛來。袁書勳報告家庭以後。卽與洪媛媛同居。服裝華麗而雅致。舉止活潑而端莊。洪媛媛愛情頓加。一對璧人。遂成眷屬。洪媛媛從此杜門謝客。化作良家主婦。袁書勳所謂福至心靈。卽

第五十三回 秩燕春鴻王孫寶志 花殘月缺倩女離魂

以洪媛媛之資財。遵例納捐爲縣丞。錢分江西省候補。聽鼓才及兩個月。卽加捐知縣過班。時江西巡撫爲旅籍德某。頗信任九江關道誠勤。誠亦旅人。與德撫台有親戚之誼。二年前誠勤因公赴上海。冶游花界。因華洋同知陳寶渠介紹。識洪媛媛於兆貴里。纏頭之費。慨擲不少。嗣以急遽回尋。猶未盡興。袁書勳旣過知縣班。攜同洪媛媛賃居九江百花洲。媛媛探知誠道台爲撫部院極紅之客。權力甚大。心中大悅。乃輾轉夤緣得拜見道台大人之三姨太太。此三姨太太係北京妓院侍兒出身。雖京滬風俗不同。而門戶中營業之套頭。不甚相差。二人談話投機。洪媛媛卽以丈夫謀幹政界生活。求轉致道台大人栽培。並聲言候補知縣袁書勳。卽前在上海洪素香(媛媛原名)丈夫。道台大人當

能記憶。遂懇切拜託。且賸以湖綢衣料數襲。舶來品四件。爲白金手表。一隻。赤金自來水筆一枝。三星白蘭地一打。上等雪茄一匣。（此種雪茄。只上海南京路全亨悅生有之。每枝長六寸。）衣料均合袍褂用。三姨太太謙遜再四。始收入。殷勤訂後會而別。果然誠道台一經三姨太太進言。且知洪媛媛業已從良。立即傳見袁書勳。面詢數語。卽札委爲九江關華稽查員。一面向德撫台保舉袁書勳。攷語爲年富力強。辦事幹練。德撫台惟誠道之言是聽。先委辦釐差六個月。比較獨能徵收溢額。德撫傳見嘉獎。繼而轅門牌示。袁書勳署理廣信縣知縣。時廣信出一件逆倫鉅案。遷延四年之久。不克定案。袁書勳接任甫經五十天。卽將斯案審結。詳報到省。臬司游智開大爲贊美。呈請撫台保薦卓異。未

第五十三回 秋燕春鴻王孫贊志 花殘月缺倩女離魂

幾補實玉山縣缺。在任捐升知府。玉山縣三年任滿過班知府。德撫專摺特保稱其勤於政治能幹有爲。旋實任南昌首府知府。自此袁書勳一帆順風扶搖直上。調任九江知府代理關道。屢次榮膺卓異。自候補縣丞到省將屆十年。由知府而道台而臬司。由湖南臬司擢貴州藩司。其時宦囊已甚充裕。因談相而獲奇遇。仍因相士之說急流勇退。臧雲谷已不知何往。袁書勳在湖南時。逢一位衡州高僧。囑其官階達從二品。須從宦海抽身。庶幾可以永保富貴。洪媛媛原有蓄積八萬金。一行作吏。袁書勳又累積十餘萬金。崇明是桑梓之鄉。卽歸故里求田問舍。怡怡然享清閒之福。洪媛媛之放下屠刀。袁書勳之遭逢意外。可見萬事皆由前定。殊非偶然不然。花界中出身名貴。情深似海。而終不得其

死者大有人在。情天莫補。恨海難填。亦大可傷心矣。當滿清光緒帝初年。合肥李鴻章爵相。因公到上海駐節洋務局多時。其二公子在籍。以省視其父。亦來上海。公子素日安分讀書。不干外事。蘇松太道兼洋務局總辦馮竹儒。竭力逢迎。導公子以冶遊。公子始日漸放浪。尋芳選勝。枇杷門巷。常繫遊驄。遂識妓倩桃。兩情纏綿。誓海盟山。公子定議納倩桃爲籠室。量珠之聘。不日實行。乃爵相遷官北洋。啓節有日。晴天霹靂。忽將好夢驚回。公子斯時愛倩桃之熱烈。達於沸點。聞事將折挫。就商於馮竹儒。馮爲之謀緊急處。立刻迎歸倩桃。詎料好事多磨。爲乃父所知。大發雷霆。向子嚴詞詰責。於是美滿風光。頓是冰消瓦解。然藕雖斷而絲未斷也。李二公子臨行。遣其心腹僕人一名。留守滬瀆。私告倩

第五十三回 秋燕春鴻王孫賛志 花殘月缺倩女離魂

桃曰。苟稍緩時日。有隙可乘。必踐前約。徐徐圖之。定能成事。卿一身之所。需余完全負擔。自當按月照付。必不使有缺乏之慮。倩桃見有紀綱。留此亦姑安心耐守。惟從此伯勞飛燕。各自東西。地角天涯。徒繁夢想。倩桃則挑燈讀書。閉戶焚香。盼冀北之佳音。探江南之春訊。距公子離。滬後五六個月。倩桃則產一女。面目酷肖。不啻李公子之照相。命名曰。愛。倩桃示不忘公子也。如是者有五年之久。公子之僕爲倩桃司銀錢。出入從無弊混。倩桃一家之生活。悉賴是僕。而公子之款項匯來。亦必經僕手。孰知人情鬼蜮。該僕忽然變心。公子適匯鉅款至。而僕卽席捲遁去。杳不知其蹤跡。倩桃大駭。接濟自此斷絕。遂致日窘一日。困乏不可言狀。倩桃無計可施。乃束裝挈愛女附海輪北上。重洋跋涉。得抵津。

門下楊旅邸中。先遣人暗遞消息於公子。時公子適抱采薪之憂。聞訊之餘。力疾出外。與倩桃相見於旅邸。闊別數載。離悰互訴。非短時間所能罄。未免有情。誰能遣此。公子卽留宿於逆旅者一宵。翌日。公子回轎。覺本沾微恙。至此疾倏加劇。爵相府中有滿城風雨之概。近侍之人。微洩其原因於爵相。公子亦病榻疊語。謂必迎倩桃入宅。爵相不勝其舐犢之情。示意左右。卽取倩桃來。詎知花好月圓。纔堪望到。而天荒地老。莫佔良緣。逮倩桃至公子之前。公子舌已木僵。不能言語。僅睜目視倩桃良久。微點其首。倩桃心如刀割。泣不成聲。夜半時。公子喉間格格作响。俄而氣息不屬。遽赴黃泉。倩桃以偏房之名分已定。自願在節轅持服。乃公子之大婦曾氏。指倩桃爲禍水。立下驅逐之令。且不承認愛爲

第五十三回 秩燕鴻王孫寶志 花殘月缺倩女離魂

公子親生之女。一起逐之。爵相故作癡聾。無可如何。惟有憑曾氏媳婦之所爲。倩桃自嗟命薄。舉目無親。不得不挾愛女南歸。盛宣懷時任天津關道。公子眷戀倩桃之一段情史。亦頗明瞭。潛遣人與以川資百金。倩桃歸至上海。生計全無。不得不作下車馮婦。重操舊業。方倩桃爲公子所賞識。已逾花信年華。目前重墮風塵。計在三旬以外。秋娘漸老。丰韵遠遜從前。則門前冷落。車馬漸稀。固意中事。有老伶工韜園者。憐其身世之坎坷。多方調護。竭力維持。得以勉強敷衍衣食者五年。其時愛女已屆十有一齡。能作書格。仿簪花筆姿娟秀。善圍棋。運思落子。壓倒老手。歌崑劇。字眼清澈。按譜不失累黍。彈四弦。吹短笛。伶界專家。恆自歎弗如。蓋皆韜園所傳授。因其時上海花叢習尚。須有一技之專長。兼

饒色。始能聲名鵠起。博得達官貴人之欣賞。儒林學士之揄揚。非若後來一味胡調。不講技藝。在席上能猜幾拳。能飲幾杯。口舌玲瓏。飛揚跋扈。便群目爲名妓。愛旣嫋老。各項技藝。又天賦以麗質。倩桃榜名曰珊瑚。卽飾之以應客。嬌憨活潑。如小鳥之依人。其最令人魂消骨醉。尤在一剪秋波。臨去之雙瞳一轉。眞可感陽城而迷下蔡。立時聲價飛騰。同儕莫與抗衡。洋場竹枝詞云：（關督道台何足羨。風頭怎及李珊瑚。）其名噪一時可知。第珊瑚雖媚態天生。情根夙具。然不肯輕易假人詞色。每有大腹賈顧其家。不吝纏頭之資。而珊瑚輒微哂曰：若人自頂至踵。無一根雅骨。亦思向阿儂親近。眞所謂癩蝦蟆想吃天鵝肉也。其自視高貴有如此。流光如水。倏忽間。珊瑚已二八芳齡。有南潯富商劉

第五十三回 秋燕春鴻王孫費志 花殘月缺倩女離魂

氏子者。名穉園。年紀較珊瑚長二歲。肌膚白淨。情性溫和。原在家庭。延師課讀。第一度遊玩上海。係赴其戚家喜筵。不知何謂嫖妓。從未經棗花簾底楊柳樓頭。三四個年相若之戚友。挾之走平康。各就所眷之處。報效和酒。邂逅李珊瑚於席次。一見神傾。兩心相印。劉輝園以初入花叢。天眞爛漫。雖愛慕珊瑚之意。如雲而起。不知從何問津。其表兄龐鳳如邱少鶴二人。少年喜事。素悉李珊瑚尙未有情侶。今見其屬意於穉園。不禁興高彩烈。一若自身之受李珊瑚寵愛者。翌日。二人與劉輝園赴珊瑚家。開筵宴客。飛箋召花。一面暗中磋商諸倩桃。使珊瑚與穉園同圓好夢。倩桃謂須小妮子自主。儂不能相強。經倩桃與其女兒暗通消息。由龐鳳如邱少鶴許以番佛一千四百尊。爲珊瑚添妝之費。倩桃

母女笑而諾之。南潯鎮夙稱財賦之區。人烟稠密。商賈喧闐。浙江省絲繭業薈萃於斯。俗語云。四象八駱駝。七十二頭壯豬獾。若龐若鷁。合之以張。卽稱爲四象。若要現貨。則數十萬兩。可以頃刻立致。因其所設銀錢莊號頗多。調度容易。當時劉樞園在李珊瑚妝閣。歡呼暢飲。翠繞珠圍。迨將進十二時。酒闌人散。龐邱二人對樞園曰。老弟請在此地少待。愚兄還有一處應酬。暫時告別。孰知倩桃母女送客留髡。珊瑚晚妝卸罷。卽與樞園煮茗清談。房內侍兒一律遣去。彼此柔情脉脉。密意綿綿。少焉芙蓉帳裏。春色雙酣。劉樞園李珊瑚定情此夕。其時一千四百番之代價。知者咸詫爲奇事。何則。生活程度。萬不及近世之高。尋常妓院之梳櫳。不過數百金。從無達一竿者。劉樞園雖面如傅粉。唇若塗

第五十三回

秋燕春鴻王孫賈志

花殘月缺倩女離魂

朱然腹笥空空。筆花渺渺。以言文學。實一無所蓄。積致數次爲珊瑚所困。樞園亦生成情種。遂幡然一變。曰：卿旣擅長書史。余自願奉卿爲教師。而執贊以列門牆。何如。珊瑚笑而領之。從此樞園日伺妝台。執經問字。珊瑚南面而坐。儼然如嚴師。樞園嘗作書致珊瑚。調之曰：汝非校書。直是教書。土林傳爲韵事。詎料天半罡風驟至。劉樞園忽以被人暗殺聞。上海本籍人嚴白雲者。亦富家兒。資財數十萬。日徵逐於花街柳巷。紈袴中之無賴者。涎李珊瑚已久。而不得邀。美人之一盼。洎知劉樞園之所爲。嫉妒露於聲色。乃出鉅資。購手鎗一枝。藏諸身上。日思洩忿於劉樞園。竟然狹路相逢。於太和酒館中遇之。嚴雲白隔座舉手鎗指樞園曰：汝知此物何名。汝再與李珊瑚相好。日步其院中者。將以此物制

汝之性命。樞園勃然變色曰：「汝敢殺余乎？」嚴雲白遂開鎗轟擊。中劉樞園要害，立時倒地。（按此爲上海破天荒之手鎗案。）嚴雲白雖殺劉樞園，尙不善開鎗，致自己之手指亦受傷。上海社會從未聞手鎗聲，侍役等猶以爲桌椅傾倒聲也。幸有外國巡捕過酒館之門，聞聲知有事變，亟上樓視之，則血流遍地。樞園已垂斃。嚴白雲見已肇大禍，方欲逃遁，爲巡捕所執，即送四馬路總巡捕房管押。當時租界內人命重案，不歸會審，公廨辦理，尙須由中國官廳治罪。檢驗屍體，亦爲知縣職權。故嚴雲白引渡至上海縣衙門。上海縣知縣裴大中性成貪墨，嚴雲白之家屬輦鉅金託人運動，內外營救，知縣受賄賂後，僅以誤殺罪定讞判決，爲監禁三年。嚴姓四面謀幹，約共費十餘萬金。李珊瑚自得樞園凶

第五十三回 秋燕春鴻王孫賀志 花殘月缺倩女離魂

信哭暈於地。經其母及侍婢等千呼萬喚。始徐徐蘇醒。然已成癲狂之疾。逢人便曰爲劉郎仲冤。……花容月貌。顧盼多姿之玉人。只二三日之光景。兩頰瘦削。面無人色。倩桃急延名醫治療。醫生云是痰迷心竅。投以下瀉之劑。得以稍安。及探聞兇手嚴雲白。仗金錢之力。不判低罪。僅處徒刑三年。則號泣終日。夜以繼之。有時大聲以詈天地。謂爲天地曠曠。使兇徒倖逃法網。越旬有餘日。珊瑚於宵深夜靜。乘人不備。竟然以三尺白綾。自經於床頭以死。倩桃急急解救。已覺返魂之無術。倩桃一味哀泣。亦如醉如癡。旁觀者莫不爲之心摧腸斷。再說劉樞園家內。其父早故。其母守節撫孤。飲冰茹苦。幸而稚園年近弱冠。可望成立。一旦冤遭鎗殺。噩耗傳至南潯。其母邱氏痛不欲生。旣無弟兄。終

鮮姊妹。無一至親骨肉。代爲鳴冤昭雪。因其遺產至厚。近支族人。反來覬覦家業。紛紛搔繼。邱氏痛苦不堪。安有此等心思。惟知哭奠招魂。一面令司帳人趕赴上海。盤柩回鄉。龐邱二人。祇知在滬料理。樞園身後事宜。明知嚴雲白殺不可赦。均以上有家長。不敢出難興訟。且財政權柄。未曾親操。亦無可奈何。劉氏族中人。見一時邱氏無立嗣之意。急不能忍耐。卽向湖州府歸安縣提起訴訟。滿清以來。地方官暨衙門內書更差役。遇大戶人家。訟爭財產。視爲獨一無二之好買賣。惟以苞苴之多寡。定官司之勝負。歸安縣衙門。豈能獨異。閱者以爲可憐不可憐。欲知後事如何。且聽下回分解詩曰。

秋鴻春燕總參差。
萬古傷心此別離。

第五十三回

秋燕春鴻玉孫賛志

花殘月缺倩女離魂

第五十三回 秋燕春鴻王孫賚志 花殘月缺倩女離魂
事。事。曇。花。空。色。相。 情。天。恨。海。枉。生。悲。

第五十四回

妓院有同命鴛鴦 官場惟醉心風月

却說李珊瑚因劉輝園被嚴雲白鎗殺。劉氏族人以爭產爲目的。無人爲之雪冤。以致自縊而亡。青樓中之若李珊瑚多情願以身殉其意中人者。實未之前聞。小說家往往以神怪之談。聳人聽聞。作者亦不免談此。然而非比憑空臆造。確屬信而有徵。嚴雲白徒刑三年。轉瞬滿期。出獄之日。預由家族交來一套新製之衣服。穿在身上。喚薙髮匠整容一過。然後飛步歸家。詎知剛入家門。忽見劉輝園滿身鮮血。在其面前。雙手攔截去路。李珊瑚項內扣一條極長之白手帕。隨劉輝園之後。亦托開雙手。怒目向嚴雲白。雲白大呼救命。身子倒於地上。其家人均奔到

第五十四回 妓院有同命鴛鴦 官場惟醉心風月

第五十四回 妓院有同命鴛鴦 官場惟醉心風月

門口忙將雲白扶起。但見滿口白沫。不省人事。乃扛抬至客堂內太師椅上。今日來探望出獄之嚴方戚友。共有四人。均幫同叫喚。趕以薑湯。將雲白灌醒。問其何故如此。雲白氣喘言曰。今日劉某來家索命。且有李珊珊在旁相助。我之性命難保。言畢。即昏昏睡去。迨黃昏時候。口內冒出鮮血。狂喊一聲。登時暴死。嚴雲白既死之後。屍身上下。色如靛青。手足蜷曲。耳目口鼻都有血水流岀。狀態極慘。俗語所云活捉。竟有人目覩。並非迷信之說。然李珊珊千古不朽矣。至男子之殉情於妓女者。亦嘗聞之。當時百花里有藝妓筱文仙。貌尙楚楚動人。擅唱戲工青衫。時充客串。每一登台。壓倒儕輩。爲人所激賞。四馬路書場盛行之際。何止十餘處。後以花事變遷。多數輟業。而天樂窩小廣寒兩家。如晨星碩。

果之僅存。猶爲諸妓鬻技之所。筱文仙芳齡十有七歲。每日往該兩所會唱。每一登臺點戲者。每日至少必有四五齣。同輩皆視爲榮幸。旣營香巢於百花里。其姊金桂仙。昔日在應桂馨所開之丹鳳茶園。串演黑頭。因患劇烈之梅毒。致鼻孔腐爛而穿破。不能復於紅氍毹上獻技。而求生活。乃爲其妹之跟局。姊妹同心。浮沉於香天色海之中。將及十年。後移^豔幟於三馬路西段。歌舞生涯。雖不十分出色。而尙可支持門戶。有浦左世家子弟。姓沈名雲來。其父擁資甚鉅。雲來係獨子。早經完婚。娶妻鍾氏。美麗無倫。雲來偶遊滬上。二三戚友攜之至北里尋芳。識筱文仙於邂逅之間。大抵男女愛情之發生。非有孽緣不可。正式之夫妻稱良緣。此外慨屬孽緣。當時沈雲來一見筱文仙。情好無比。目爲無上。

第五十四回 妓院有同命鴛鴦 官場惟醉心風月

之美人。日致其妝樓報效和酒。筱文仙不喜修飾。鬟毛之長。幾及四寸。所御衣服。又殊樸素。從無華麗之時裝。沈雲來美其爲天生嬌媚。不假裝飾。而風致嫣然。市月之間。所擲纏頭之費。不下千金。筱文仙閱人已多。從未見如沈雲來之愛情濃郁。懷惜周至。乃亦以身相許。不再操神。女生涯。太史公所謂以衆人待我。報以衆人。以國士待我。報以國士。雙方條約。談旣妥洽。筱文仙卽擬摒擋一切。將懸榜撤除。孰知沈雲來家庭大生阻力。其父母暨其妻。均竭力反對。事難實行。雲來大憤。乃私購銷鑑水少許吸之。以圖自盡。當時未死。逾三四日後。毒始發作。呻吟床席。面色如死灰。其父母大驚失色。許其娶筱文仙歸家。窮究病源。雲來始以實告。一面急延西醫救治。一面遣人措辦筱文仙之事。立免身

價千金。談判立成。迨西醫來診。謂毒氣已潰內臟。勢難挽回。姑以強心針施治。亦不見效。祇能延三小時生活。及筱文仙倉皇渡歇浦而東。入沈雲來宅邸。正雲來氣絕之候。惟兩目張而不瞑。喉間似尚有微息。不絕如縷。殆筱文仙至床前立定。雲來始目瞑而長逝。其妻鍾氏。撻踊哀號。謂殺我丈夫者。筱文仙。用力將頭向之猛撞。聲言誓必鳴之於官府。幸沈雲來之父。尙明事理。知此等事與人無尤。溫語慰藉其媳婦。而暗遣筱文仙去休。男子狎妓殉情者。推沈雲來爲第一人。足與李珊瑚並垂不朽。可見情之所鍾。不在妍媸老少也。彼獸慾衝動。一時圖洩其火者。純屬於慾。不知去情字數千百里。無知無識之下流社會。不足爲怪。特身爲監司大員。不免亦貽此笑柄。吾國人之無程度。可歎孰甚。滿清

第五十四回 妓院有同命鴛鴦 官場惟醉心風月

未葉法紀蕩然。各省督撫大臣往往擅離職守。潛赴上海冶游。宣統帝三年夏間。浙江甯紹台道台桑芬以捐資入官年紀未及四旬。薰香傅粉。顧影翩翩。家道素豐。號稱百萬。輦鉅金入京運動。以候選道之頭銜。居然辦到衝繁寶缺道台。甯波距離上海。祇海程四五百里。輪船往來絡繹如織。計途中十小時即可達到。桑芬並未向省中請假。私自出游。其原因桑之正室湯氏。年歲相若。而有隱疾。故已娶側室二人。一以婢女收房爲妾。一出資自北京購來。貌均不揚。有妻雖石田。性偏奇妬。往往干涉二妾房幃中事。原籍湖北。尙有族中寡嫂一人。豔麗如花。桑芬與之相晤。此次履新任時。其意欲將寡嫂帶入衙署。嗣以旁觀不雅。祇得作罷。迨接印就緒。滿清各道制度。本承轉機。關形同贊瘤。兼海關徵得作罷。

收稅款者所入較豐。場面闊綽。桑芬既爲寧波海關監督。本來好色。而家有妻妾。概覺不能滿意。心愛者又不在目前。遂動微服尋芳之興。僅帶家丁一名。託名上省公幹。實則潛赴上海四馬路同春坊離妓金屋嬌處。因金屋嬌爲王雪香之養女。王雪香從前自身懸牌時。桑芬自籍晉京。經過上海。曾與之有囁臂盟。目下王雪香已三旬以外。自覺徐娘半老。顧客不多。爰將自幼養女名喊阿娥者。飾爲離妓。取名金屋嬌。詎知王雪香弄姿搔首。風韵猶佳。且慧解人意。亦靈心四映之美人。桑芬夙所欣賞。此次重溫舊夢。似漆如膠。連宿三夜。惜金屋嬌尚在髫年。含苞未吐。故不克一箭射雙雕。桑芬懼被張場。終日蟄伏金屋嬌小房間中。未敢拋頭露面。臨行贈王雪香番佛五百尊。悄然而去。去後北里姊

第五十四回 妓院有同命鴛鴦 官場惟醉心風月

妹行。互相傳述。爭羨王雪香之鴻運當頭。事爲各小報所知。若陽秋若笑林。先後登載。其標題一則爲灘上桑間。一則爲桑中大會。描寫裝點極香豔淋漓之致。殊不知世道日非。後之偉人鉅子。其行爲千百倍於桑芬者。私德惡劣。幾非人類所應有。猶覺此善於彼也。繼桑芬而起。尚有尙其亨。光緒帝時。念國事之陵夷。非銳意整頓政治。不克自強。以與各國競爭。爰有派五大臣出洋考察之舉。爲實行憲政之預備。尙其亨漢軍籍。進士出身。官內閣學士。兼禮部侍郎銜。爲五大臣之一。出京而後儼然出洋欽差。京津道上威風凜凜。旣抵津沽。署理北洋大臣直隸總督楊士驥。備辦供張甚爲華美。五大臣中。惟尙其亨是色鬼。且嗜好杯中物。因其年事尙輕。風流自賞。楊士驥稔知底蘊。行轅設於租界中。

以便嫖妓。天津窑子雖南朝金粉所在多有。而合意者絕鮮。羣花和酒。只有華秋香一人。尙其亨目中。尙堪賞識。侑觴之後。尙其亨情人潛爲引導。造華秋香院中。龜鵠知爲欽使。伏地跪接。華秋香當然欣悅。福星之高照。正在雙方纏綿。一往情深之候。尙其亨好像飢鷹餓虎。一意在真個魂銷。身畔撈出五十兩銀票一張。使個眼色。遞於華秋香。秋香一想。枉稱堂堂欽使。原來是登徒子一流人物。欲却而不受。恐攖欽使之怒。且難堪龜鵠之蹂躪。如老實不客氣。立時滅燭留髡。未免自待太輕。方猶疑不決間。突然房門外連珠聲喊。說尙大人公務。尙其亨猛然一驚。只見其親隨名喚和白。掀簾而入。先向主人打千請安。而後站立旁邊。稟稱四位大人命小人覓請主公回轅。面談緊急公務。尙其亨聽罷。

第五十四回 妓院有同命鴛鴦 官場惟醉心風月

如一擔冷水澆在頭上。說不出沒趣。微領其首。斯時銀票已在華秋香手中。依尙其亨意思。須向索還。又覺太不像模樣。惟有暫時忍痛放棄。明日或可到此再說。華秋香亦機警非凡。反將票紙放入衣袋。立起身來說。今日天時未晏。欽差一俟公畢。仍求降臨妾處。妾雖坐待至天明。亦所不辭。尙其亨無精無采。回一聲難爲你了一頭說。一頭出位。早經侍兒將馬褂披於身上。并爲代結鈕扣。尙其亨在前。和白在後。華秋香半跪送於房門曰。原來五大臣甫至天津。尙未滿二十四小時。卽奉到軍機大臣傳光緒帝諭旨一道。著迅速放洋。沿途無事。毋許逗留等語。貝子載振爲考察憲政團領袖。卽通知各人。明日啓行。從海道南下。抵上海時。置辦應用物品等。諸事冗繁。有濡滯之必要。外洋公司輪船艙

位。雖以電飭上海余道聯沅先經購定。是否准期啓碇。亦不可必。與其遨遊於丁字沽前。不若徘徊於春申浦上。但尙其享個人心理。極不高興。深感振貝子太煞風景。然敢怒而不敢言。亦無可如何。且平空丢失紋銀五十兩。更懊喪萬分。自嘆晦氣。及經滬上。余道台以靜安寺路洋務局爲出使大臣行轅。陳設之鮮明。雅俗共賞。飲饌之精潔。中外兼全。時摩托卡上海僅有樣子。西人自置者僅三人。行轅中亦有一輛備用。風馳電掣。五大臣顧而樂之。紳商軍政各界。邀讌五大臣。應接不暇。每敞瓊筵以坐。花飛羽觴而醉月。環肥燕瘦。翠繞珠圍。凡北里名花。盡焉羅致。著名老撾婦大肚皮阿金。手內積蓄幾萬金。其養女恒十餘人。羣玉坊彭瑞娥。卽爲其養女之一。生得肌膚秀潤。面貌豐腴。二九年華。豔

第五十四回 妓院有同命鴛鴦 官場惟醉心風月

名素噪。所御衣服之人時。妓界中自不必言。而彭瑞娥尤配得嬌豔絕倫。別具一種風流體段。且技藝亦獨一無二。擅長秦腔。(卽梆子調)

引吭高歌之際。響遏行雲。激越處聲如裂帛。尙其亨一見之餘詫爲天人。較津門之華秋香。相去不啻天壤。澈賞無已。洋務局雇用之譯員歐則悌。廣東人。少年風流。由余道台派爲五大臣行轅譯電員。尙其亨亦略諳英語。故歐則悌較爲接近。尙其亨料此人必在花叢託足。對之極繩。彭瑞娥色藝臻於絕頂。果然歐則悌心領神會。洞悉尙大臣屬意此妓。乃假觀新劇爲名。由尙大臣飭其侍從至劇場。實則使爲鄉導。而至彭瑞娥家。尙其亨輕衣小帽。喬裝商人。因其與歐則悌俱爲小白臉出身。惟尙將近四旬年紀。而歐僅二十五六耳。旣入羣玉坊之口。迎面來

一熟人向充余道台文案沈駿文。現兼派充行轅華文祕書。彼此均心照。有如陌路。絕不啓口招呼。原來歐則悌未抵彭處。先飛遣馬夫助手。通報大肚皮阿金。歐亦阿金手下穩客。故無線無號之電話。頗亦靈通。二人未入瑞娥臥房。瑞娥率其房侍。先在樓下迎候。是夕瑞娥處。本有和酒局各一。乃向同院中借房間以應客。而讓出己房。以款尚大臣等二人。尚大臣復將瑞娥仔細品評。覺得美不勝收。一時慾情似火。色胆如天。想今日終不致演華秋香家故事。瑞娥獻出生平媚骨。細意慰貼。大肚皮阿金且親到指揮一切。歐則悌暗示阿金。尚大臣開筵宴客。或召友碰和。皆不便招搖。只有乾折之一法。阿金及瑞娥均爲首肯。尚其亨鑒於出夜度資不宜爽快。惟有臨行一擲。先以右手食指豎起。示歐

第五十四回 妓院有同命鴛鴦 官場惟醉心風月

則悌。歐則悌悟其意。卽復咨照。敷衍片刻。託名有要先行。彭瑞娥伺候尙其亨。雲雨巫山。同作高唐之夢。尙其亨因華秋香之好事多磨。今宵良會。極力奉承瑞娥。定情之後。尙其亨以鈔票一包交付。悄然而行。於是連夜幽會。直至外洋輪船開行之前一日。始與彭瑞娥話別。臨別之際。復贈瑞娥赤金手鐲一對。重六兩。此事雖洋務局中人員。幾無一人不知。然皆以爲大局有關。相戒嚴守祕密。第俗語說。若要不知。除非不知。然皆以爲大局有關係。尙其亨宿娼之第二日。外間卽已喧傳。報界人爲妓院中人。無所忌諱。尙其亨宿娼之第二日。外間卽已喧傳。報界人士。以吾國籌備憲政。何等重大。特派大臣出洋攷察。又何等重大。五大臣之一舉一動。在在與國家體制攸關。萬不可自揚其醜。相約弗談。詎知西報以喧騰遐邇。目爲憲政大臣之風流。又目爲大臣公然縱慾。及

到歐洲之後。聞此等玷辱國體之舉。不止尙其亨一人。貽笑海外。天潢貴胄。尙有此行動。下焉者又何責之有。說者謂滿清亡國之氣象。早經表現。以致查憲政之大業。委於若輩無恥之官僚。根本已不能成立。明年。尙其亨自外洋歸國。清政府簡任爲福建布政使。閩省旅滬同鄉。聞之而譁。紛紛拒絕其到任。卒爲輿論所戰勝。不克履新人之品行不端。社會所深惡痛絕。平心論之。上海萬惡之區。亦有以造成其罪惡環境之齷齪。可令人格漸入卑污地位。猶有至堪發噱之端。地點亦在上海。人物亦屬大員。可證記者言之不謬。欲知後事如何。且聽下回分解。詩曰。

茫茫恨海最難填。

指點蓬萊路幾千。

第五十四回 妓院有同命鴛鴦 官場惟醉心風月
神女生涯從古說 大官風月樂陶然

第五十五回

花明柳暗春色深藏 酒綠燈紅鉅家貽笑

却說滿清官僚。挾妓侑酒。眠花宿柳。視爲常事。此中豔史頗多。然而成爲笑柄者。亦嘗聞之。宣統帝時。政府建議開闢軍港。派貝勒載濤。海軍統領薩鎮冰。聯袂出京。赴浙江寧波象山海口察勘。擬爲建築軍港地點。朝旨既下。濤貝子等二人向宮門請訓。定期束裝南下。照例欽命大臣蒞省。疆吏應出境迎迓。時浙江省巡撫爲旅人增韞。字子固。滿洲人。大都庸庸碌碌。絕鮮傑出之士。增韞尙不失爲中材。旣得北京電訊。知濤貝子薩鎮冰乘海軍旅艦。自天津啓行。先到上海暫駐。於是增韞先期亦來滬恭迎。隨從之幕友。家丁。衛兵。差官等。一行共四五十名。以

第五十五回 花明柳暗春色深藏 酒綠燈紅鉅家貽笑

第五十五回 花明柳暗春色深藏 酒綠燈紅鉅家賠笑

法租界洋涇浜長發棧爲行轅。昔者旂籍官吏無一不諳唱戲。增韞在京時亦頗能熟習。且素善皮簧。得其奧妙。其抵埠時。上海官場未有所知。故第一日行裝甫卸。略事休歇。於晚膳之後。增韞便衣小帽。獨自步行至四馬路一帶閒眺。徐行至小廣寒天樂窩兩處女書場門前。但聞樓上鑼鼓喧鬧。管絃繁響。欲思上樓一擴眼界。奈從未問津。趨趣不前。但皮簧之聲。頗有研究。故立於階邊側耳細聽。其是否合節。操之者本領孰優孰劣。彼時揚幫雉妓沿馬路各里口。排列幾遍。其同伴傭婦。苟見有人駐足而觀。則上前拉扯。若輩一見增韞。寬袍大袖。所穿爲蜜蠟黃花緞箭衣。天青素緞馬褂。鼻架玳瑁。闊邊眼鏡。微有髭鬚。足登厚底便靴。知爲鄉間富翁。或紳士一流人物。增韞正徘徊出神之際。忽然雉

妓一名。上前將其衣服牽牢。口中喃喃不知作何語。增韞愕然。初以爲卽赴書場彈唱之人。奈何非任客之自願光顧。而出於硬拉。口中祇說。
(爲什麼……)及行過七八步。卽拉入衙口。更有一羣粉白黛綠者。上來相攪。旁邊復有一老嫗助力。將增恃強拖拽。增韞始知與樓上歌唱者截然不同。然猶疑爲女子革命黨。專與滿洲人反對。因已爲滿籍。被若輩所知。將施以毒手。然不便卽向之討饒。頻呼不要臉的女子。萬目昭彰之地。胆敢亂拖男子。廉恥何在。禮法何在。眞正淫蕩之極。可惡。(……)不堪……任汝喊破喉嚨。誰來管帳。一雉妓。一老嫗。將增韞兩旁夾住。或推或挽。拉至一座石庫門口。後面粉白黛綠者。遠遠跟隨。拍手大笑。增韞此時無所措手足。聽其拉至石庫門內。還不放手。直到

第五十五回 花明柳暗春色深藏 酒綠燈紅鉅家貽笑

好像一間中堂模樣之右隔壁。入門將增韞強納於一把椅子中方始放手。增韞張目四顧。室中陳設與他處長三書寓彷彿。纔悟自身入於花叢。又好笑。又生氣。一言不發。約坐五六分鐘光景。立起望外就走。此雉妓與老嫗攔於房門口。問汝鄉下人識此地規矩否。增韞瞠目不知所答。但見彼等攤開四隻手。悟爲索錢。但身上適無錢。不覺面赤耳熱。發急起來。詢其要多少錢。彼等云照規矩打茶圍費一隻羊。將右手食指一颺。言次。雉妓竟欲動手。將其馬褂剝下。爲抵押品。增韞更覺難堪。不得已。令雉妓遣人隨其同至長發棧取錢。方突圍而出。一龜奴暫充長班。進棧內。增韞交代帳房。付銀元一番。帳房先生問爲何種款子。增韞但云。(給他一塊錢就是了。不必囉嗦)。一場笑話。方告閉幕。翌日。增

韞與其幕友言之。幕友請報告巡捕房，可以指明懲辦。增韞笑曰：更使吾出醜矣。斷乎不可。上海操賣淫業者多如恒河沙數。若長三若么二。若花烟間若鹹水妹至雉妓（俗呼野鷄）亦其中一大部分。此外又有台基渝白私娼等。名目繁多。洋場數十里中。約計之。何止四三萬人。淫風如斯之盛。可哀可歎。中以台基之傷風敗俗尤堪痛恨。質言之爲介紹良家女子與人幽會之所。四十年前創始者。潭名白沙枇杷。不知何許人。先在美租界北四川路。貨屋一所。陳設華麗。外掛公館牌子。引誘宦家姨太太與人野合。繼而接踵行之者。有無錫人薛姓女。名文華。渾名薛大塊頭。係前出使臣大薛福成之後裔。初入上海著名之務本女學校肄業。舉止輕浮。衣服華麗。雖係通學生。然被其誘惑。而漸入岐。

第五十五回 花明柳暗春色深藏 酒綠燈紅鉅家貽笑

途之同學甚多。經校長察知斥退。遂師事白沙枇杷。得其祕訣。以曾掛名女學生之故。結識新黨中男女不少。人目爲交際之花。其手腕之敏妙。生性之淫蕩。遠過於乃師。可稱天生尤物。復自命爲精繪畫。工刺繡。於是人又驚爲才藝超羣。其實繪畫悉出於詩妓李蘋香所作。又蘇州人名畫家倪墨耕。亦曾充薛文華之面首。時爲之代筆。刺繡則倩美術專門家。當學校教員之余。姓成之。薛文華軀體肥碩。作事精明幹練。白沙枇杷作俑害人。僅勾引家住租界富室之妾。女作不端。事至上海城內南市。良家閨秀貴族名媛。猶未染此澆風。洎薛文華運其非常本領。設幽會之地點。多至十餘處。踪迹極爲祕密。佈置極爲華美。房間內用柚木製之外國傢具。客座則遍張名人字畫。間以磁銅玉石古玩品點。

綴之頗見雅致。不特專事漁色之狂且狡。童趣之若驚。即風雅中人亦樂與之結識。其方法美租界營香巢二處。一在中虹橋直東。將近塘山路。一在新拉圾橋北海寧路。英法租界。如三馬路之恩慶里。跑馬廳之某西菜館。寶昌路之和合坊。敏體尼蔭路之生吉里等。此外暗藏春色之處。所在多有。迨民國元二年。上海有拆城之舉。於是向住城內之婦女。出入利便。兩兩野鷺。飛翔法租界者最多。營此生涯者。咸奉薛文華爲祖師。當薛文華局面開展之候。下至拆白黨翻戲黨。亦皆相識。其取財之法極精。且所取亦極多。然略無積蓄。以其費用鉅大。而津貼面首者。亦非常之多。至其淫媒之事。與尋常之人大異。自謂能與一千人交媾。吾雖死無憾。民國紀元。袁世凱任正式大總統。薛文華夤緣曹汝。

第五十五回 花明柳暗春色深藏 酒綠燈紅鉅家貽笑

霖得貢獻繡花枕一對於大內。質料用舶來品之光華葛。鮮豔奪目。用五綵絲綫。繡出吉祥龍鳳。驟觀之似工筆繪畫。袁世凱獲之大悅。給銀一千兩充犒賞。又倩名人撰文一篇。標題女界能謀生計可以自立。與繡花枕一并進呈。袁世凱欲任命薛文華爲北京女子師範學校校長。時教育部總長久居上海。頗聞薛文華之類於人妖。力言不可而止。薛乃開照相館於英租界五馬路牌號駐顏閣。其居心欲盡得滬上之男女美人。羅而致之。共參歡喜禪。以暢淫慾。故稍負時望之家。其閨闥內與薛文華多有關係。惟光緒宣統二帝時。學其術以設臺基漁利者猶少。卽從拆城以後。此種臺基滿坑滿谷。遂有大小三級之分別。大者訂以終身。其價率以千金論。或以月計。則以百金爲單位。中級者價目

稍減。而以度數論者爲多。小者則專講夜度資。爲值止番佛五尊。迄民國五六年後。旅館發達。一日千里。衾枕帳褥齊備。房間之費。自數角至數元。更不必有定價。偶然野合者。視爲便利無比。若永久好合者。可以別營外室。不患無藏。嬌之金屋。俗語呼借小房子。所費廉而可得清靜。自此恃臺基爲生活者。漸漸陵夷。但近年所盛行之鹹肉莊。即臺基之變相。法租界竟如林立。昔日之臺基。猶爲祕密淫窟。今之鹹肉莊。堂而皇之。門前置其大無外之電燈。標以姓爲記號。可謂嫖界之別開生面矣。且說詩妓李蘋香。在上海北里。大名鼎鼎。不知原姓黃。名靜儀。其先世籍隸安徽。太平天國時代。皖南徽洲寧國太平三府所屬。蹂躪至深。百姓紛紛避難。黃氏亦遂隊出走。流轉至松江府城。即家於此。靜儀之

第五十五回 花明柳暗春色深藏 酒綠燈紅鉅家貽笑

父名竹經。幼年習商。繼復讀書。攻苦十年。不得青衫一襲。憤極。重爲商業。旣生靜儀。在咿囁學語時。卽教以識字。及靜儀年漸長。親自督課。殊爲勤懇。以其生平所學。盡量授於愛女。嘗指其女謂戚友曰。此吾家不櫛進士也。他日或可光大我門庭。人每竊笑其愚。黃竹經一味誇贊。靜儀年十四歲。經其父許字松城。西門外劉子仁。劉本書香子弟。美妙而文。黃竹經相攸得意。其時靜儀已能吟詩。雖根柢幼稚。尙無大疵。劉氏亦夙慕爲才女。兩方俱稱得意。不料紅顏命薄。黃竹經一病嗚呼。靜儀旣無叔伯。終鮮兄弟。所相依爲命者。祇有母氏方一人。方氏亦略通書史。勤於女工。賴十指以翻其口。而溺愛其女。不亞於竹經。靜儀斯時。篝燈夜讀。所學尙有進步。比鄰潘姓子。名青園。年齡與靜儀相若。家境窘

乏父作小負販。兩肩承一口。所謂室如懸磬者。惟潘青園眉清目秀。玉山朗朗。黃靜儀自幼與之嬉戲。甚爲親暱。妾弄青梅。郎騎竹馬。本來兩小無猜。及靜儀父死之後。情竇漸啓。仍與青園射覆藏鈎。其母嘗加以防閑。父服旣闋。靜儀已通人道。遂與青園苟合。我我卿卿。彼此愛情達於沸點。久之靜儀雅不願身屬劉子仁。欲其母出頭悔劉氏之婚約。方氏究竟女流。憚於多事。遲疑不果。靜儀心大不愒。常常與母勃溪惡聲。達於戶外。方氏姑息養奸。昧於大體。未幾劉子仁父母。微聞靜儀行爲。不軌。央月老急來訂婚期。方氏不知所措。屢詢諸靜儀。靜儀見母之懦弱。無能知事。不可早蓄異心。慨然許嬪劉氏。因當時婚姻斷無自由之理。惟父母之命。媒妁之言是從。未聞延聘律師。登報聲明。而即可脫離。

第五十五回 花明柳暗春色深藏 酒綠燈紅鉅家貽笑

婚姻關係者。方氏見愛女忽變態度。自願入劉氏之門。爲之一慰。百兩盈門之日。兩方按部就班。應有盡有。但劉子仁洞房合巹之名。不勝懊惱。夙知家醜不可外揚。祇得將計就計。免被親朋非笑。惟與靜儀落落寡懼。絕無宴爾新婚之樂。靜儀早有意中之人。視劉子仁決非如意郎君。成婚後。勉留劉家三個月。假託奉母赴杭州進香。收拾細軟。歸甯母家。卽向其母宛轉哀啼。不生不死。方氏無法可設。以平日溺愛逾恒。遂云悉聽汝之所爲可耳。靜儀於是潛令潘青園偕之赴杭州。旣抵六橋三竺間。往購棺木一具。以瓦礫木石等置其中。裝釘堅固。寄頓西湖上一僧寺中。由其母飛函通知劉子仁。謂靜儀到杭之翌日。忽得暴病。不及延醫診治。遽然奄化。劉子仁信以爲眞。計惟有安排赴杭寺迎靜儀。

之柩歸正首邱。劉氏祖塋原在天馬山之麓。將靜儀附葬祖塋之旁。加以封樹。此係劉子仁一方詩禮傳家。故有此舉。動黃靜儀自僞以死狀。發表後。卽得與潘青園白頭偕老。奉其母方氏。僦居杭城僻靜之區。其時滬杭火車道。猶未建築。故交通遲滯。消息難知。致此事未嘗喧傳。無如潘青園一貧無聊賴之子。又乏謀生之術。反衣食住全取給於靜儀母女。未幾牀頭金盡。不能立足。三人乃作遷地爲良之謀。遂從杭州流徙至蘇州。名伶何家聲。其時在蘇州。知黃靜儀能弄翰墨。擅詩詞。爲之竭力揄揚。伶界同人。紛紛出素箋屬書。咸餽潤筆之資。稍得度日。然敷衍一時。終非長久之策。旣而復自蘇徙上海。潦倒春申江畔。無以爲生。不得已惟有墮入平康。迎新送舊。初至棋盤街。云二妓院。名老王記者。

第五十五回 花明柳暗春色深藏 酒綠燈紅鉅家貽笑

自署其名曰李金蓮。狎客中有知其能詩者出以語人。蓋擅文墨之名。妓昔亦寥寥。何況近代。於是喚起一班洋場才子之注意。隨處說項。果然不出數月。有一代爲借箸。由么二遷長三。易名李蘋香。聲名鶻起。騷人墨客趨之若驚。而名公鉅卿亦願垂青眼者。大有人在。甚者至比擬爲宋朝之李易安。名重一時。可想而知。有宋老封翁名靜波。家資充足。後人極爲繁榮。年已六旬外。而問柳尋花。興尚不淺。日往李蘋香妝閣。娓娓不倦。或謂婆娑此老。真箇銷魂。或謂宋老望梅止渴而已。詎知宋老眷戀方深。而其子其孫咸在蘋香院中。時時光顧。且聞均與蘋香有肌膚之親。關係密切。宋老之孫行七。名喚七郎。綺年玉貌。風度翩翩。蘋香尤爲鍾愛。彼此情好異常。宋姓居法租界有之。居南市亦有之。均自

置之房屋地產。因子孫繁多。故分開兩處。一門祖孫同眷李妓。日漸張揚。事爲其內眷所知。設辭僞託。召蘋香至法租界邸宅內。數其罪狀。罰令長跪。嚴加斥責。李蘋香大爲狼狽。被迫至二三小時之久。始得出語。人曰。吾妓耳。顧我皆客。盡人可夫。上海操是業者。何止數千人。莫不生張熟魏。暮送朝迎。彼自陷於聚塵。而反來責我。我豈能於客之賜顧者。必索閱其三代履歷。而後迎接之耶。北里中人。莫不傳爲笑柄。且言潘青園自靜儀淪爲妓女。卽身被文繡。口鑿膏梁。日吸阿芙蓉數元。朝夕在麥家圈綺園烟館中。吞雲吐霧。曳尾於泥塗中。恬不知恥。欲知後事如何。且聽下回分解詩曰。

胡天胡帝說申江。 柳暗花明興不降。

第五十五回 花明柳暗春色深藏
酒綠燈紅鉅家始笑
華屋山邱歸一例
門庭通德福無雙

第五十六回

急色登徒紅顏薄命 尋芳令尹白首空盟

却說李蘋香旣入勾欄。大出風頭。使其夫潘青園吃飽穿暖。頭戴一頂綠巾。樂此不疲。蘋香雖人盡可夫。然愛情濃厚。與訂囁臂之盟。究屬極少。當時有一宦海中客。任山西大同鎮總兵。姓王名國彪。雖一介武夫。而舉止溫雅。絕無擴悍之態。囊中亦儲積數萬金。略解文墨。自命爲儒將風流。家有一妻三妾。悉爲北地胭脂。能唱戲。而不知吟咏爲何物。王國彪終以爲缺點。會清政府調任浙江處州鎮總兵。仍挈眷蒞浙。道出春申。爰作北里之遊。見李蘋香而鍾情。纏頭慨擲。並贈鑽石耳環一對。價値連城。得之於部下武弁。此人曾爲關東鉅盜。耳環來歷。實是盜賊。

第五十六回 急色登徒紅顏薄命 尋芳令尹白首空盟

第五十六回 急色登徒紅顏薄命 尋芳令尹白首空閨

王國彪流連李蘋香妝臺之畔。半月餘。彼此情投意合。王國彪決計爲謀脫籍。攜之浙東。潘青園知而大驚。以爲此一株搖錢樹。洵爲無價之寶。不論誰人。豈肯割愛。又懼王國彪是方面大員。定有勢力。若出頭霸。阻恐石卵之不敵。乃密與龜黨烏師商酌。以蘋香昔年愚弄劉氏。迄今黑幕無人揭破。卽將此事挾制蘋香。使不敢嫁愛人而去。一面又串令同黨。或冒爲蘋香之生父。或冒稱蘋香之母舅。向租界會審公堂控告。無非使王國彪受種種牽制。不得以一舸飄然迎歸桃葉。否則一旦失去。青園自思後半身享用誰靠。支離怪誕。不可究詰。詎料李蘋香早以己身歷史。訴明王國彪。果然王國彪政界要人。與之熟識者不少。輾轉關照。會審官案情明瞭。一朝提訊。將瑣碎猥亵之訴狀。盡行駁斥。判李

蘋香准其自行擇配。不得再充娼家。如有人阻撓硬霸。提案重辦不貸。潘青園費盡心思。付之東流。垂頭喪氣。不敢向蘋香饒舌。後流爲乞丐。鴉片烟發癮之極。又飢寒交迫。不滿四五個月。死於石路普慶里口。以義塚爲葬身之地。淫棍之下場。固應如是。蘋香卽嫁王國彪。離開上海。寄居於寧波。由國彪另營金屋居之。詎未及匝歲。而國彪死。蘋香不得已。仍自寧波返上海。只得復理舊業。易名謝文漪。年華漸大。車馬漸稀。舊相識半歸零落。回首當年。不勝今昔之感。幸有楚北老名士黃幼蘿。孑然一身。來作海上寓公。俯仰身世。自傷遲暮。不期而與蘋香遇。彼此遭逢。引爲同調。蘋香遂委身事之。顧黃幼蘿手中拮据。藉筆墨以生涯。蘋香亦惟有作書畫以自給。閉門謝客。隔絕紅塵。有時且茹素念佛。餓

第五十六回 急色登徒紅顏薄命 尋芳令尹白首空盟

居馬立師。目下不知猶在人間否也。記者至此深歎天下爲父母者萬不可溺愛其子女。凡掌上之明珠既灌輸以知識尤必嚴男女之防。宜以李蘋香爲前車之鑒。而才貌兼全之女子。其一身節操又烏可以不慎耶。上海妓界之享大名者。代有其人。四十年前婦孺咸知四大金剛。而四大金剛中以林黛玉之佚事最多。蘇松交界處有一鎮曰章練塘。林黛玉卽出生於是。其父業坊工。名陸阿金。家徒四壁。貧無立錐。其母陳氏。雖貧家之婦。不慣亂頭粗服。偏喜抹粉塗脂。輒與同里無賴少年游酒食徵逐。雖雄莫辨。陸阿金一苦力界之謹愿者。深惡妻之無行。時加呵叱。然卒無效果。黛玉之生也。陸阿金每對人言。此女非我所生。不知爲誰人之種。故林黛玉五十年之穢迹。實自母胎中得來。初生之時。

名喚金寶。年甫三齡。在室外嬉戲。跌仆於牆角。左臂受創甚劇。旋即平復。五齡而出天花。毒勢蔓延。寒熱壯盛。已垂危矣。後得轉危爲安。七齡。其鄰有周姓子。家資充足。時與黛玉玩耍。周子年已十七。早通人情。性慾勃發。卽將黛玉按倒地上。强奸之。鮮血淋漓。慘不忍覩。依生理學所載。未滿十齡之幼女。被奸後。定有生命危險。卽不喪命。將來難以發育。面黃肌瘦。而成癆瘍。詎知林黛玉竟安然無恙。受創處不日而愈。八歲。經其母許字於李姓。過門爲童養媳。李業皮匠。嘉興人。家中困乏。陸與阿金相伯仲。陸阿金素不認爲生女。故婚事概置不理。李皮匠之妻。工於心計。旣將金寶領養爲媳。俟其逾十歲後。即可圖祕密賣淫生活。兩個女親家。可稱一雙知己。迨金寶轉瞬之間。已十有一歲。李妻飾爲時。

第五十六回 急色登徒紅顏薄命 離芳令尹白首空盟

裝。嬌小玲瓏。楚楚有致。一班浪蝶遊蜂。咸有垂涎之意。而李妻有時居爲奇貨。其實李妻非常機警。見浮浪子弟無家可歸。有類拆自行爲者。則故意高抬身價。若富家兒光臨。則招待極端殷勤。因此不免遭人反對。時來痞棍之滋擾。打鴨驚鶩。大煞風景。皮匠全家只好遷地爲良。乃移住江浙交界之楓涇鎮。楓涇風氣較章練塘淳樸。私娼土妓鮮有明目張胆。豔穢高標者。又非土著。不免人地生疏。就居四個月。生涯冷淡。不得不再尋樂土。夙慕上海繁華。甲於天下。卽挾金寶走上海。旣至方悉賣笑生涯。亦須有鉅大資本。金寶未曾習過彈唱。不能入書寓與長三。若包押於么二及雉妓院。亦不過得一二百番。然遷延時日。則何以爲糊口。暫投打狗橋南首張薦頭老店。託介紹爲傭工。店主張媼。一見

金寶知非池中物。姑使入大戶充小大姐。乃帶到上海著名富室楊家。即開設楊慶和銀樓之老闆。係寧波產。張媼既將金寶安放。而後打算藉此漁利之策。原來開荐頭店。不論男女。悉屬壞蛋。遇有姿首可觀者。定設法販賣以營利。或爲婢。或爲妾。或爲娼。南至汕頭廈門。北至奉天吉林。莫不有串通運送之人。張媼豈在例外。其計畫。先使金寶婆媳隔絕。而後徐徐進行。即謂李妻曰。汝媳頗覺伶俐。東家格外青眼。倘能做滿一年者。則工資第二年加倍。且東家還有犒賞。惟汝不可時常去楊公館探望。汝媳年紀尚幼。時去走動。恐其不克專心服役。李妻唯唯心中一想。我日後靠之爲錢樹子。豈得永久做人家大姐。目下暫借栖身而已。孰知楊家主人。姪妾甚多。大都吸鴉片。鬥雀牌。別無所事。俾畫作

第五十六回 急色登徒紅顏薄命 聽芳令尹白首空盟

夜每日須下午三四點鐘纔陸續起來。一切家政委諸其同鄉女子朱寡婦管理。此朱寡婦不知與楊姓如何關係。年在四旬內外。表面亦是傭工。而闔內大權獨攬。聲勢赫然。偶然主人亦聽彼命令。飽暖思淫慾。千古至言。楊家諸位姨太太多有外遇。均屬朱寡婦代作拉馬。朱寡婦本人則與趙春舫辨識。趙春舫杭州人。爲英租界公務人員。勢燄堪以炙手。精通洋文。與重要外人多所聯絡。故朱寡婦專營販賣人口及勾引良家婦女之事。胆大妄爲。金寶旣到楊處。朱寡婦亦視爲奇貨可居。用種種甜言密語誘惑金寶。雖金寶聰明天賦。究竟年齡幼小。意志薄弱。自然入其彀中。未及三個月。金寶突然竊取主人金珠首飾。約值數百金。乘夜遁去。主人當然向荐頭店追究。張姐則追究金寶之婆李妻。

李妻驚惶萬狀。實則張媼李妻均是無妄之災。係朱寡婦匠心獨運。設此毒計。將金寶隱匿他方。據爲已有。張媼亦斬輪老家。揆度情形。知必爲朱氏所賣無疑。且素知朱之劣迹。遂控告朱於當道。謂爲誘匿誣陷。無如不得證。據經張媼託人多方偵探。竟無線索可尋。而朱寡婦又得趙春舫之奧援。以卵豈能擊石。張媼於是敗訴。只得軟求楊公館。暫免深究。李妻之一株搖錢樹。從此化爲烏有。且說朱寡婦見金寶秀外慧中。早已佈置周密。時機一到。卽潛使人帶赴天津。爲之延師。敎習歌曲。兼授音樂。所以胡琴琵琶箏笛簫管。件件嫻熟。逾年之後。已堪畢業。朱寡婦令入津門張家娘班。張家娘者。七十二沽間大名鼎鼎之鵝婦。與朱寡婦素稱莫逆。其班中如小金珍花春林等。皆名噪一時。金寶則榜

第五十六回 急色登徒紅顏薄命 尋芳令尹白首空盟

名小金鈴。小金鈴初出茅廬。資格幼稚。不若花春林輩名望夙著。自然難以抗手。然欲竭力支撑門面。不得不拚命應酬顧客。其應酬方法如何。惟有以肉體佈施之一術。卒致深染梅毒。時當春令。勃然興發。竟令遍身潰爛。人皆掩鼻而過。張家娘以爲從此不堪接客。却將小金鈴屏棄不用。不得已附招商局海宴輪船。南下謀醫。船資無著。由朱寡婦爲之擔負。旣抵上海。朱寡婦亦以其患此梅瘡。恐難回復舊觀。故經濟方面。不肯充分接濟。小金鈴始則與之齟齬。繼且與之斷絕。以惡疾未愈。故暫隱忍。未將朱寡婦黑幕揭穿。孰知小金鈴天生尤物。日後豔福方興未艾。故延醫診治。一藥而毒氣消滅。再劑而肌廬脫換。即在上海自立門戶。懸牌曰林黛玉。人謂其慕瀟湘妃子。所以襲其芳名。抑知非是。

因前輩胡寶玉初名林黛玉。小金鈴追效寶玉之爲人。故并用其原名。然名字縱香豔。生涯尙落寞。朱寡婦旣與之彼此交惡。乃慤患海宴輪買辦陸敬輿。向索南歸時十五元三角之船資。林黛玉一再乞憐。陸敬輿意爲之動。而朱寡婦大以爲不然。密遣趙春舫之走狗某姓。往林黛玉處。恃強威脅。黛玉無可奈何。拔髮上金釵一枚。付諸長生庫中。始得償此債。其處境之窘可見。幸有居法租界之宋漁卿行二羣呼爲宋老二。昔嘗因事往章練塘。林黛玉時正在李家爲養媳。宋老二一至其家。故識黛玉。近又稔悉黛玉事。一日看戲於丹桂茶園。飛箋召之。是爲林黛玉第一次出局。人稍稍知其名。但大發梅毒以後。兩頰疤痕纍纍。眉毛盡脫。攬鏡自照。殊不雅觀。只好施濃脂以掩疤痕。塗柳炭以裝眉黛。

第五十六回 暗色登徒紅顏薄命 馮芳令尹白首空盟

宋老二家財百萬。花柳班頭授林黛玉以種種爲妓之祕訣。謂滬地爲繁華之藪。澆薄之區。欲動人視聽。第一須以奢侈豪放從事。斷不可碌碌依人。委心任運。林黛玉諱其議。未幾果名振洋場。凡豪商鉅賈達官貴人。涉足北里。必曰林黛玉……其實非稱其美麗也。蓋詫其豪侈耳。蜚聲甫一年有半。忽傳嫁黃晉三爲簉室。黃營棉紗業。多財喜賈。獲資五六十萬。人竊竊疑之。方謂侯門一入深似海。從此蕭郎是路人。詎知僅二度蟾圓。林黛玉三字。依舊映入人人之眼簾。蓋黛玉之事黃也。非爲終身計。因逋負甚多。藉此可以償清。名之曰濫浴。妓女濫浴之風。自林黛玉發起。然黃晉三苟家庭和睦。醋波不興。黛玉之下堂求去。必不如是之速。黛玉逋負既由晉三償清。則又豔轍高張。恣所欲爲。服御之。

豪華起居之闊。縹難以形容。無日不赴丹桂觀劇。無夕不與伶人狎謔。上海本爲二子世界。曰戲子。曰婊子。若戲子與婊子聯合。自然非同小可。李春來趙小廉路三寶。均爲黛玉之面首。未及一年。負債又不少。索者。蠟集。第玉正打算第二次濫浴。適逢南匯縣知縣汪以誠尋芳至黛玉處。黛玉計上心來。格外逢迎。一醉留髡。芙蓉帳暖。居然訂白頭偕老之約。汪以誠遂爲黛玉所迷。負債悉由其歸償。築金屋於白克路。黛玉事又如願。門首高標南匯縣正堂。汪公館。斯時諸伶人中。惟李春來健兒。好身手。最爲黛玉所契。可謂天然配偶。黛玉明知汪以誠有守土之責。不克常到。於是可與李春來暢所欲爲。李春來出入汪寓。初尙遮掩。繼竟肆無忌憚。汪以誠以有所聞。原汪之爲人。怕惹是非。度量尙。

第五十六回 急色登徒紅顏薄命 尋芳令尹白首空盟

寬。思前想後。不免投鼠忌器。惟有假作癡聾。以待林李之自悟。詎知彼二人更覺放肆。一日汪以誠渡浦抵寓所。適李春來在室。汪以誠在客座中。勃然大怒。拍案厲聲曰。何物伶人。猖狂乃爾。今日若不加以懲治。將何以爲人。春來聞之。正欲以言語對付。黛玉拍其肩。低聲語之曰。好男兒勉之。彼爲現任縣官。一縣之民命攸託。今挾妓酗酒。自敗風紀。倘至法庭之上。當先坐其罪。然後及他人。有老娘在此。何懼彼老朽。爲李春來恍然大悟。反手特利刃以驅逐。汪以誠戟指大聲曰。此係余之寓所。汝何人敢來拍予案。爲一縣親民之官。可以挾妓。可以納妾。試問官箴。何在。是否爲大清律例所許。汪以誠至此語塞。嗒焉若喪。掉頭不顧而去。於是春來黛玉儼然如夫若婦。期年之後。黛玉兩手匱乏。無以供

揮霍。乃又想出狡計。渡浦而東。逕往南匯城內。賃大廈一座。卽以白克路之公館牌掛起。復乘二人肩輿。招搖過市。輿後方燈一雙。署銜與門前同。汪以誠經人報告。不禁大恙。然亦無如之何。倘一決裂。則百里侯之位。勢將休矣。乃暗囑心腹家丁。轉向黛玉關說。贈以銀幣二千番。懇其迅速離開。黛玉首肯。腰纏充足。始歸滬。重理故業。其時李春來已爲黛玉唾棄。不再來往。然兼收並蓄。面首更多。不但垂青眼於優伶著名者。下至馬夫西崽。亦莫不灌以楊枝甘露。皆大歡喜。其用意在藉若輩之口碑。以長大己之聲勢。嗚呼。林黛玉欲知後事如何。且聽下回分解。

詩曰。

冷雨淒風劇可憐。落花無主夜啼鶯。

第五十六回 恶色登徒紅顏薄命 蘇芳令尹白首空盟

第五十六回 急色登徒紅顏薄命
申江春色濃於酒 毕竟瀟湘化紫烟

急色登徒紅顏薄命

尋芳令尹白首空盟

尋芳令尹白首空盟

第五十七回

名襲瀟湘館夏姬再世 舟行印度洋春色雙探

却說林黛玉狡計百出。墮其術中者大有其人。上等之文人墨客達官富商中等之洋商奴隸下等之馬夫西崽莫不以親近黛玉一顰一笑爲榮。然黛玉並不以若輩爲意。所最注意者其人工於內媚。則必千方百計務達其目的而後已。丹桂茶園有打英雄之陳俊廷。相傳其擅此術。黛玉卽極意籠絡之。引爲入幕之賓。試之果驗。黛玉所以得顏色不衰者。人皆謂陳俊廷之功。胡鬧又一年餘。遂嫁南潯富商邱子鈞爲妾。邱姓是南潯鎮上四象之一。家資之鉅不可勝計。黛玉利其多金。迷惑而以身許之。既進邱之門。祕密運輸其金錢珍寶。儲於上海。每月幾次。

第五十七回 名襲瀟湘館夏姬再世 舟行印度洋春色雙探

第五十七回 名襲瀟湘館夏姪再世 舟行印度洋春色雙探

預備日後下堂而享用。半年後卽與邱宅所雇之縫工蔣阿渭私通。未幾又與邱子鈞表弟金廉堂姘識。邱子鈞知之想一妙法誘其吸鴉片烟以爲一有烟癮定可銷滅其淫慾之心。詎知大不然。雖吞雲吐霧夜以繼日。而淫慾仍未稍殺。依舊與蔣阿渭金廉堂等私通。邱子鈞憤極將黛玉禁閉一室。使人朝暮看守。而黛玉竟能設計勾結看守之人放其宵遁。其逃遁之時喬裝農家之婦。身穿藍布衫褲。頭紮手巾足穿布鞋。右頰貼一張膏藥。防或有人識其本來面目。旣至上海隨身所攜帶之首飾暨平時所運儲者不下萬金。居然坐享所有。成面團團之富人戲子路三寶唱旦角就業於丹桂林黛玉愛之甚。欲與之通。而路三寶知黛玉非易與。猶豫不能決。黛玉乃賄通其拉胡琴之張瞎子。從中竭

力慾。患得以如願。旣合之後。路三寶與黛玉形影不離。甚至三寶之父病死於北省本籍。而子不奔喪。三寶已有妻子。僑居滬上。爲黛玉蠱惑。竟棄其妻子而不顧。黛玉手段之高妙。可謂無比。然未及一年。忽將路三寶獻棄。又顧而之他。然囊中所有。未嘗稍損。方自幸可以安度一世。豈知刻薄淫蕩如斯。爲造物所忌。有梁上君子覬覦其富有。伺隙而入。盡竊所有以去。黛玉駭絕。從此復入困頓。無可奈何。思再操神女生涯。其時上海有一鴉婦。軀體肥胖。渾名楊妃楊相傳太平天國之丞相洪仁什之生女。刁尖狡猾。人莫敢忤。覩林黛玉之現狀。慨然以保護人自命。乃與同走天津。此刻若令算命先生細查黛玉流年。必然惡運當頭。謀事無成。因其甫抵天津。而適起義和拳匪之亂。不克振旅。鼓以營業。

第五十七回 名襲瀟湘館夏姬再世 舟行印度洋春色雙探

擬卽南歸。爲楊妃楊所霸阻。不許其行。直至拳禍危急。始有伶人譚叫天挈之同行。銷聲匿迹。爲避難行逕。人莫知之。故花界訛傳。已爲拳匪處死。剖腹牽腸。厥狀極慘。文人好事。且捏作黛玉被難日記一書。附會之徒。指爲林黛玉能作詩詞。可笑之甚。詎知黛玉不久返上海。形容憔悴。心志消極。無所依傍。當黛玉初出茅廬。卽有結義姊妹一人。名曰菡香。爲穩健派。菡香所適之人。爲政界要人。且極有財力。菡香憐黛玉之無依。暫許其居留。乃黛玉與菡香相處不滿一個月。卽爲喧賓而奪主。菡香憤不可遏。乃下逐客之令。黛玉只得復其本來面目。賃屋半椽於四馬路胡家宅。擺碰和檯。亦可稱英雄末路焉。自己則奔走各戲園各書場。勾引浮浪之青年界女。淌排之名目。自林黛玉作之。俑然此類營

生。日夜辛勞。而收入菲薄。終非長久之策。以曾經路三寶栽培薰育。能唱花衫。遂由妓界而入伶界。束裝往漢口。與怡園戲館訂約。登臺奏藝。當在上海時。漢皋政界鉅子。曾與黛玉相識者有人。標統張彪。爲兩湖總督張之洞節署奚僮。其母爲老媽子。服役年久。張彪隨母充小當差。年少漂亮。善伺顏色。張之洞指令與婢女結婚。由馬弁升至標統。張之洞調署兩江總督。差委張彪赴滬採辦用品。一度召黛玉侑酒。大加賞識。所惜匆匆別去。未克暢敍。今聞黛玉蒞漢作坤伶。心中大悅。自武昌渡江至漢。向怡園點戲。指名要林黛玉上臺。斯時張彪聲勢赫然。該戲園竭力逢迎。知黛玉與張彪爲舊交。落班後。送黛玉至張彪行館。當以耳目衆多。張彪表面拒而不納。暗遣人另覓豔窟。招黛玉爲雲雨巫山。

第五十七回 名襲瀟湘館夏姬再世 舟行印度洋春色雙探

之夢。黛玉心中暗喜。否極泰來。藉此可復舊觀。勾留三日。張彪卽返武昌。黛玉見有機可乘。急不暇擇。過四五天。遂渡江入省城。坐藍呢肩輿。赴標統衙門。投大字梅紅名片。請見司闈人一見名片。認爲新科翰林。上門打秋風。剛欲拿本官答片擋駕。只見肩輿下地。中坐一位美人。司闈見而大駭。不敢待慢。立即執片稟報。張彪見之愕然。不知來意。令隨身心腹家丁。至輿前。悄然告之曰。此地非汝所可到。速速回到寓中。靜候吾音信可也。黛玉方欲有言。只見家丁連連搖手。止其勿談。門前守衛兵士二名。全付武裝。上來詰問。該家丁回身便走。黛玉不得要領。料難今日見面。怏怏而回。張彪恐其明後日再來纏綿。下午卽遣該心腹家丁。攜一千圓銀券一張。尋至怡園坤伶林黛玉寓所交收。並傳標統命。

囑其歸至上海。不逗留漢口爲妙。以此銀券爲贐儀。黛玉旣得茲一竿整數。行囊充足。與怡園解約。邁回上海。進羣仙。仍專門唱戲。會滿清政府。派遣五大臣出洋。攷察憲政。使節藩瀛。以靜安寺路洋務局爲行轅。徵歌選舞。紙醉金迷。五大臣中。端方久聞林黛玉之大名。特飛箋召赴行轅。覲面之下。大加賞識。黛玉使出惑陽城。迷下藥之手腕。令端午橋神魂顛倒。遂宛轉陳辭。乞端午橋光臨其家。端可謂色令智昏。竟將允許。嗣爲左右之人諫阻。以欽命出洋。威望何等尊嚴。責任何等鄭重。挾妓一端。殊失體制。且林妓淫同夏姬。生成賤骨。尤害人不淺。還望不去爲。是以致作爲罷論。黛玉聞之。長歎數聲。曰。事敗垂成。其命也夫。或叩其故。黛玉曰。彼欽奉使命之大臣。豈可挾妓。僥誘之來。可脅迫以遂余

第五十七回 名襲瀟湘館夏姬再出 舟行印度洋春色雙探

所欲。奈何天不從人耶。其心思陰險若是。豈非可怕。至四十七歲。又經嫁人。其人爲鎮海李鉅村。鉅村家資極富。爲浙江省著名富室。納林之時。鉅村手握公家財權。揮霍無度。黛玉身上所費七千金。豈知暗中仍有伶人龍小雲之面首。黛玉妍識伶人。前後不計其數。以手腕敏妙。故能操縱羣雄。指揮如意。獨龍小雲反將黛玉玩弄股掌之上。林黛玉墮其術中而不悟。亦趣聞也。龍小雲唱小生。與小子和同演血淚碑。一班顧曲家。欣賞不置。年僅二十餘歲。綺齡玉貌。狀態如好女兒。黛玉愛逾拱璧。一再誘惑。遂成好合。李鉅村納黛玉不久。以虧空公家鉅款。不能彌縫。奉政府查抄家產。李鉅村一時憂急難堪。服毒自盡。黛玉於是與龍小雲公然爲夫婦。少男長女。二象同春。迨民國二年。二次革命。張勳。

入南京。張勳髮辮猶在。故人呼爲辮帥。袁世凱援以江蘇都督。張辮帥前在上海。林黛玉亦與之旂鼓相當。周旋於深溝高壘間。今見其位列封疆。遂向乞龍小雲之差使。龍小雲。安徽產。二十歲之前。曾廁身軍界。以學唱新劇。由軍界轉入伶界。華洋文均略有門逕。張辮帥以林黛玉之情面。但知此人。黛玉與之非親戚。卽子姪。故立卽應允。命爲江蘇都督衙門繙譯員。自是龍小雲居然由伶界一躍而入政界。公餘之暇。間臨滬上。一洩林黛玉之慾火。悠然自得。第此時黛玉已五旬以外。龍小雲乍過花信之風。究嫌黛玉之老大。而絕不露聲色。乃於南京秦淮河之釣魚巷。選得一妓。娶之爲室。秦淮河是名勝之區。畫舫笙歌。通宵達旦。釣魚巷著名鶯花藪澤。六朝金粉。豔迹常留。龍小雲時與儕輩尋芳。

第五十七回 名襲瀟湘館夏姬再世 舟行印度洋春色雙探

拾翠得名妓楊蓉卿而悅之。定情良夜，一往情深。遂量珠以聘。議既定，
贅居石壩街後臨秦淮。窗畔壁人檻前綠水藏。嬌有地，其樂陶然。時張
辯帥左擁右抱，姬妾甚多。最寵愛者第一小毛子。第二王克琴。此固黛
玉所夙知。龍小雲既娶楊蓉卿，特遣可靠之人持函來上海林黛玉處。
首稱近日公務繁忙，不克分身東下。刻大帥姨太太第幾位。（指王克
琴）託購衣料若干。某綢若干。首飾若干件。或赤金或珍珠專差
守取。望代辦之。黛玉照單交付。越數日，又遣人來。謂大帥之第幾姨太
太。（指小毛子）託辦全房紅木傢具。某件……又海味若干。人參若
干。鑽石戒指一枚。耳環一付。乞代置備。交原差帶。黛玉又逐一照單
交付。惟龍小雲久不至上海。始終未見蹤影。屢次去函催詢。何時可以

覲面。則如石投水。絕無回音。黛玉初不之慮。繼而生疑。終而大疑。乃密遣人赴寧探之。始悉龍小雲已娶得一妓爲妻。所取去首飾衣料傢具食品等等。皆其結親時所用來信云云。全屬虛偽。不禁懊喪欲絕。然亦無如之何。徒然飲恨而已。恆對人言。余之生平。雖豪商鉅賈。達官顯宦。輒在余手掌之中。今不圖反爲小兒所賣。言下歎歎不置。民國五年袁世凱在北京。帝制自爲之候。黛玉曾一度晉京。參議院議長湯化龍。久涎其美。欲一嘗異味。日日召之侑觴。不吝纏頭之費。先後共揮三千餘金。結果僅握手一次。去同赴高唐之程度。不知相隔幾千萬里。蓋嫖妓雖只要金錢。而無緣者亦不克達目的。黛玉旋仍回滬。復唱戲於羣仙究因年老色衰。不能叫座。乃僦居二馬路大慶里生生美術公司樓上。

第五十七回 名襲瀟湘館夏姬再世 舟行印度洋春色雙探

痛戒鴉片。亦深悉沈淪黑籍之苦。所奇者。時時延請和尚道士。諷經禮懺。謂仰仗菩薩佛祖。賜以保佑。能使鴉片之癮。不恃醫藥而自斷。此種論調。爲黛玉所獨創。記者談林黛玉小史。不嫌詞費。誠以娼妓之內。有此天生尤物。不知被其顛倒者若干人。然而黛玉之外。尙有其人。雖未必事事如出一轍。但爲所顛倒者。不止中國人。且及於外國人。以淫蕩無倫之妓女。竟大有裨於中國同胞。閱者疑我言乎。試再諦聽之。昔者太平天國之起。經滿清中興諸名臣漸次削平。同治帝登極。國內有太平之望。迨同治七年。其時偃武修文。兵器銷爲日月之光。是年戊辰。大魁天下者。爲蘇州洪鈞。字文卿。旣爲巍科。翔步木天。蜚掇聲薇。省不出十年。洪文卿已淳升至侍郎。姑蘇有名妓傅蘭雅。韶華二九。色藝超羣。

洪文卿自北京請假回籍省親。戚友莫不錦上添花。竭力捧場。於是宴會無虛日。開筵坐花飛觴醉月。鶯啼燕語玉軟香溫。鹿臺虎阜間占得無邊風月。洪文卿一見傅蘭雅魂迷神蕩。一經同夢。卽訂囁臂之盟。東鑠西鸕。不足喻其戀愛。爰由戚友之說合以一千二百金爲傅蘭雅脫籍。因上海有西儒傅蘭雅。學問淹博。不可與之同姓字。爰易名曹夢蘭。古人云。絕世之色。定生絕世之淫。曹夢蘭旣嫁洪文卿爲妾。名士名花。豔福不淺。詎閱時未久。曹夢蘭卽與洪文卿俊僕梁申發生曖昧。梁申本洪第之家僮。生得面目清秀。肌膚白皙。年纔弱冠。不知者幾疑是貴介子。洪文卿初未之知。及清廷簡授出使德國大臣。洪文卿卽束裝就道。一路威風凜凜。先蒞上海。而後候外國公司輪船放洋。曹夢蘭素得

第五十七回 名襲瀟湘館夏姬再世 舟行印度洋春色雙探

洪文卿之寵愛。卽攜之俱行。梁申亦經目爲年富力強之家丁。當然一并出洋。自上海出發赴歐洲。當時須歷五十日之海程。迢迢萬里。洪文卿有曹夢蘭之消遣。倒亦不覺程途之遠。無如長途中梁申戀奸情熱。真正慾情炎比火。色胆大如天。乘洪文卿晝寢時。與曹夢蘭同酣好夢。洪文卿睡眼朦朧中。不見曹夢蘭。方大聲疾呼。由梁申之同事在旁。早知彼二人不端。因攸關主人體面。故設法支吾。洪文卿大生疑心。不料夢蘭在海程中。還有一件豔史。斯船客艙之位。多於貨艙。船中各國籍之人咸備。而德國占多數。中國人呼德國爲迦門。迦門爲日耳曼之轉音。有迦門人二名。不知其姓名職業。似乎下級軍官模樣。外洋船之客人。茶餘酒後。往往至甲板上散步閒眺。當時曹夢蘭與二迦人。同在艙

而得覩曹夢蘭之倩影。驚爲絕艷。二迦人雖第一次來中國。華人婦女。不知見過幾許。矧上海可稱香雪海。未曾見有如曹夢蘭之翩若驚鴻。婉若游龍。修短合度。纏纖得中者。愛慕達於沸點。二迦人年事尙輕。未免選事。詢諸侍役。方知爲中國公使之如夫人。東西各國。盛行一夫一妻之制度。如男女均有室家。而別有所眷戀。惟以離婚爲救濟之法。無所謂納妾。不必說得姬妾盈前。或多至十餘位姨太太。此等風氣。外國人聞而駭然。當時二迦人一聆非公使正。室卽存輕視之心。不妨一試其獵豔手段。欲知後事如何。且聽下回分解。詩曰。

繁華好夢幻紅樓。到底癡頑一石頭。
因果相尋原不爽。芳蹤豔影海天留。

第五十七回 名襲瀟湘館夏姬再世 舟行印度洋春色雙探

第五十八回

萬里星輶花明海外 一官風厲竹脆庭前

却說冶容誨淫古有明訓。曹夢蘭生成天姿國色。洪文卿雖寵擅專房。其實與僕役梁申平分春色。自經輪船上二迦人遇豔之後。若爲中國公使之正妻。彼等斷不敢有邪念。聞爲所納之妾。則以奴隸視之。油然而生奸計。然言語不相通。居處不相同。二迦人焉能弔膀子得手。且洪文卿縱顛預過去。還有梁申視如禁臠。豈能拱手而讓於外國人。記者曾閱野史。當時二迦人用催眠術施諸曹夢蘭。一時曹夢蘭神靈飄蕩。竟與二迦人好合。記者未嘗學問。不知催眠術中有否眠花宿柳之效。用二迦人據云串合船上侍者。得達目的的野史亦語焉不詳。梁申之私。

第五十八回 萬里星輶花明海外 一官風厲竹脆庭前

第五十八回 葛里星輶花明海外 一官風厲竹脆庭前

通曹夢蘭。洪文卿知之而隱忍。二迦人之私通曹夢蘭。洪文卿實一無知覺。卽梁中亦瞖瞖。洪文卿以家醜不可外揚。身膺出使大臣。偷一張揚。則有玷官箴。且迢迢數萬里。阻隔重洋。卽欲遣其歸國。亦何從辦起。平日對於曹夢蘭。又愛如拱璧。故亦不忍加以嚴譴。惟有裝聾作啞。置之不問。畢竟狀元郎度量恢廓。尙堪容物。洎抵柏林公使館。覬見德皇呈遞國書。手續次第完竣。一面電達清政府。報告抵德任事日期去訖。却說二迦人雖嘗到中國貴族女子之妙處。然在其本國。以名譽恐遭損害。反不敢嘗試。曹夢蘭是個淫女。輾轉思量。惟有託使館中所雇用之女傭。詳探二人蹤跡。歷時許久。始悉二人者係彼國少年英俊之軍官。嗣後與曹夢蘭往來與否。下文再表。洪文卿蒞公使任。在再三年。任

滿歸國。既返上海。始將梁申停歇。而不願令曹夢蘭下堂以去。晉京陞見奉旨仍供原職。斯時攜夢蘭一起北上。夢蘭在北京外好甚多。豔名噪於首都。無何洪文卿擬歸家享福。以老病乞休。得旨允准。遂舉家返吳門。越年餘而洪文卿死。大婦潘氏知曹夢蘭野心尚勃勃。不能守正。方欲遣去。而曹夢蘭先請下堂。洪潘夫人欣然樂從。所有房間內金珠首飾衣服傢具一切什物。令悉數攜去。且命之曰。祇許汝迅速擇人而嫁。不許重入勾欄。致貽洪氏之羞。曹夢蘭唯唯稱是。旣離洪邸。則挾其所有。馳來上海。日日遨游張園愚園。夜夜踞坐戲館之內。其意欲在樂園子弟中擇一如意郎君。以圖偕老。風聲所播。邇遐咸知。一班拆白之流。利其囊中黃白充滿。更可親其肌膚。得其香澤。一舉而人財兩得。豔

第五十八回 萬里星船明海外 一官風厲竹脆庭前

福不淺。知其每日都託足園中。如蟻附糞。如蠅逐臭。名伶郭蝶仙。自以爲少年翩翩。有斯資格。無奈身上服裝未能漂亮。冠履亦欠修潔。自慚形穢。乃轉向同業中借取時裝。自項至踵。煥然一新。薰香剃面。再三引鏡自照。曰可乎。又赴馬車行。租得最時式之轎車一輛。飛奔張恩二園。以覓曹夢蘭之芳跡。詎知天不佑人。此等孽緣。亦非勉強可成。而須幾生修到。及郭蝶仙僕僕靜安寺路上。早爲天仙戲館之孫三兒捷足先登。與曹夢蘭攜手同歸。郭蝶仙一場掃興。喟然若喪。原孫三兒貌不甚美。性情強橫。舉止粗鹵。而年紀尙輕。身體精壯。曹夢蘭可以暢其所欲。於是朝夕歡娛。二人之形影不離。孫三兒乃與曹夢蘭計畫長久之方。價買女孩兒若干人。一同移往天津。俟女孩長大。即可以開設妓院。自

爲老闆。夢蘭初意。且在滬上享福幾年。再北行未遲。目前不願即去。因見孫三兒性質太橫。恐留上海。或致肇禍。藉此避免事故。亦未始非良策。孫三兒初擬歲暮附海輪啓程。而夢蘭執意度元宵於上海。一經南方新年之賞心樂事。孫三兒亦無如之何。南京路有保安司徒廟。俗呼紅廟。不知建于何時。上海縣志載。此廟建于磧溝浦上。是未闢租界以前。該處爲黃浦之支流可知。廟內供關帝及觀音二像。紅牆紺宇。結構幽深。每逢朔望。青樓中人大都入廟求神許願。若觀音生日。則釵光鬢影。戶限爲穿。而大除夕之香火尤盛。至十二點鐘以後。妓界中皆盛裝豔服。爭先恐後。謂之燒頭香。元旦鎮日如此。人多擁擠。甚而踏斃人命。工部局遂加取締。令將山門放大。屆時並派巡捕彈壓。以免輕薄少年。

第五十八回 萬里星輶花明海外 一官風厲竹脆庭前

調戲肇事。廟址爲中國主權。故工部局不徵捐稅。當時曹夢蘭於元旦偕孫三兒逐隊燒香。紅廟中旣出坐馬車在四馬路一帶兜喜神方孫三兒穿大毛缺襟袍。貂皮馬褂。佩忠孝帶。招搖過市。均曹夢蘭與之打扮目覩者莫不拍掌大笑。指爲崑劇中別妻之老韃子。按照前清會典五品官職方可穿用貂褂。孫三兒一介伶人。胡知妄作僭越制度。爲各報張所痛詆。且連及洪文卿。次日孫三兒卽蟄伏家中。不敢復出。曹夢蘭亦知已犯衆怒。未便再居上海。卽與孫三兒束裝北上。在天津勾留二三個月。探知北京究人海之區。尙可營其舊業。遂決計樹幟於北京。易名賽金花。樊樊山名士作前後彩雲曲。卽指賽金花。忽然風雲變幻。京津有義和拳匪之亂。釀成兩宮西狩。八國聯軍入京。清宮大內。均爲

西兵盤踞時。聯軍統將爲德將瓦德西。孰知十五六年前。卽曾與曹夢蘭繕綻之一人。瓦德西臥於清后那拉氏龍床之上。傳令喚八大胡同妓女入值。賽金花被傳進內。一見瓦德西。不勝駭詫。賽金花年紀雖近四旬。而妖冶苗條。望之如二十五六許。舊好重逢。綢繆備切。於是瓦德西將賽金花留住大內。厥後清政府派人與聯軍統將停戰議和。正賽金花得意無窮。與瓦德西交相燕好時代。經賽金花從中斡旋。得以諸事就緒。且由賽金花說項。放出南中婦女。離京逃難者。不可勝數。滿清苟延殘喘。又十餘載。可稱完全賽金花之力。其時孫三兒尙在。自賽金花身入清宮。彼處之泰然自由自在。堂而皇之戴綠頭巾。恬不知恥。旣而八國聯軍撤退。賽金花之臨時總司令夫人。亦卽取消。清后清帝。從

第五十八回 萬里星輶花明海外 一官風厲竹跪庭前

西安回鑾北京官吏無處洩憤。將賽金花遞解回籍。孫三兒亦尾隨南下。寓鄭家木橋長發棧。患急痧而死。賽金花則不知所終。上海俵子之佚事至多。書不勝書。戲子亦然。大概二子在在有連帶關係。間有媚優聯合。而竟復牽涉洋人。豈非奇之又奇。昔者有人人知名之汪桂芬。綽號汪大頭。其著聲譽於伶界。北自京都。南止上海。且其生平佞佛茹素。諷經人亦莫不聞之。殊不知其祕密穢史。倘經人揭破。無人格之可言。當其在上海時。有至戚孫鵬林娶妻伍氏。貌僅中姿。而風騷不堪。人皆呼爲小舅媽。汪大頭與之私奸。明日張胆雙宿雙飛。儼如夫婦。孫鵬林不以爲恥。汪大頭出資爲孫另納一婦。則已與伍氏可期永遠好合。孰料伍氏之以身許汪。因貪其收入之多。凡汪大頭所入。悉歸伍氏儲藏。

暗運回家。歷年既久。事始敗露。汪大頭極爲忿恨。與伍氏吵鬧。在龍園茶館拆姘頭。唇鎗舌劍。各不相下。經多人勸解。始告脫離。旣而汪大頭又嗜男風。與唱武旦之郭五十鷄姦。郭本姘一妓名花翠琴。姿首尙不惡。而淫蕩性成。幾無一日無男子伴宿。汪大頭所入甚豐。花翠琴覬覦其金錢。遂勾引汪亦與姘識。於是汪因郭而及花。水陸並進。前後夾攻。污穢不可言狀。汪將頭上之髮剪斷前面一半。自命方外人。異言異服。一班拆白黨尤而效之。當時盛行前劉海。卽汪大頭作之俑。渾名還魂海闌。好事者謠傳。汪大頭積資頗鉅。有金條八十。現洋二千。匯豐銀行鈔票一萬元。儲於鐵箱中。在家內每日晨起。必開箱檢點一過。妓女之老前輩胡寶玉。此時猶自作生意。未曾退爲老闆。適市上銀根奇緊。

第五十八回 萬里星船明海外 一官風厲竹脆庭前

週轉不靈。羨汪大頭之多金。欲思染指。頗知其好色異常。千方百計託人介紹。願與結好。汪大頭素耳胡寶玉豔名。今來加青眼。無不樂從。卽約定時日。潛去幽會。屆期而往。胡寶玉不勝歡迎。爲之置酒小酌。聊當接風。芬玉含歡。良宵不負。睡至半夜。香夢正酣。汪大頭忽然大呼腹痛。刻不可耐。披衣而起。急欲歸家。胡寶玉再三苦留。而汪痛益劇。惟有約期後會。時適大雨傾盆。胡寶玉命輿送之歸。汪大頭臨去。彼此有依依不捨之態。詎知汪大頭甫抵家門。卽開燈而吸鴉片。毫無疾病。家人詢其所以然。則微笑曰。一宵穩過之後。辰間臨行。胡寶玉必開口向我借錢。却之則覺不情。允之而不給。則爲失信。允之而卽給。未免太癟。曷若假言腹痛。溜之大吉。從此永不再入其門。胡寶玉將我奈何。其心思之。

狡應物之黠有如此。汪桂芬之歷史，雖知之者頗衆。然其喫官司一節，爲會審公堂枷號示衆，則明瞭原因者絕鮮。第一次，汪之來上海，在光緒帝辛巳年春季，由其友人何福安邀之來，乘招商局豐順輪船南下，既抵埠，以上海各戲館包銀太薄，故未曾登台而卽去。第二次，係應詠霓茶園之聘，經周大升之介紹，癸未年夏月，第一夕上台演天水關，初見自來火之光亮，竟氣爲之餒，幾乎不能終局，故開演不久，卽與周大升吵鬧，大發脾氣，原訂半年之合同，載明何方違背合同，則須議罰。汪桂芬悍然不顧，卽束裝北返。周大升任其行李下船，而密遣人要於途中。俟汪桂芬屆時登輪，預備將其扭交巡捕房，乃被人走漏風聲，汪知所戒備，有英國領事衙門文案魏家駿，爲汪桂芬蜜切之友，設法保護。

第五十八回 萬里星輶花明海外 一官風厲竹脆庭前

其下船。始得安然無事。嗣後續開丹桂戲館。主劉維忠。託熊文通專誠北上。邀汪到滬唱戲。已經簽訂合同。而丹桂閉歇。兆豐洋行買辦陳方水聽信其姘婦李巧林。特開留春戲館。興高彩烈。亦遣人敦辦汪桂芬。汪不問情由。未將丹桂之交涉辦好。貿貿然接受川資南來。夙知兆豐之洋東密司霍。與陳方水一人之交。倘發生事故。有外國人靠山。在斷無意外之虞。及抵滬後。正欲出馬獻藝。劉維忠向會審公廨控告汪桂芬。尙未履行合同。卽以熊文通爲證人。時會審官爲同知羅家杰。字少耕。福建人。向有強項之目。准詞傳汪桂芬到案開審。汪堅不承認合同與收據。指爲僞證。並言丹桂邀請之事。則誠有之。因不願應請而來。故當時卽正言拒絕。此次係兆豐洋行洋東密司霍聘我爲后台經理業。

經在英國領事署簽字云云。傲慢之態溢於言表。羅讞員以華人控告華人是非曲直。應由華官判斷。汪桂芬竟倚仗洋商勢力。挾制官長。實屬刁惡。若不嚴懲。何以警衆。劉維忠案姑候查明。再行核辦。應先治汪桂芬藐視公堂之罪。當此之時。汪桂芬若哀求宥免。不過申斥一番。尙可轉圜。乃汪恃外人爲護身符。更出言挺撞。聲色俱厲。密司霍亦到堂曉曉置辯。堅欲袒汪而抑劉。於是羅讞員怒髮衝冠。以華人訴訟。毋煩外人越俎。當堂笞責汪桂芬三百板枷。出頭門示衆。密司霍亦無如之。何。悻悻然怒容滿面。立刻稟請英國正領事照會上海道台。札飭英界。會審公堂。迅將汪桂芬釋放。且須治羅家杰濫用刑罰。判斷不公之咎。吁。洋人氣燄之盛。言之可歎。正任蘇松太道江海關監督邵友濂。字筱吁。洋人氣燄之盛。言之可歎。正任蘇松太道江海關監督邵友濂。字筱。

第五十八回 萬里星船明海外 一官風厲竹跪庭前

村浙江人江督蘇撫會銜奏派赴香港調查洋藥稅則。奉差出外。代理者爲湯壽銘。字小秋。覆文英領。謂羅永家杰辦理此案。並無不合。貴領事憑該商人一面之辭。本道不便憑貴領事一面之辭。應請將兆豐洋行主人嚴加申斥。嗣後毋得越權干預等語。中外官場。往來公牘。其措辭如是。然交涉事件。以不激不隨。方爲能員。湯道台一面授意於法公廨會審官陳寶渠。出爲調停。陳寶渠曾任英公廨多年。與各國領事。均有感情。其調停之法。將劉維忠控案註銷。汪桂芬業已枷責。卽日開釋。此案遂告了結。此汪桂芬出世以來。第一次所受之大辱。但滬上優伶淫兇跋扈者。不可以僂指計。而受法律裁制者。寥寥可數。汪桂芬之外。有楊月樓高彩雲焉。楊月樓渾名楊猴兒。兼唱文武老生。爲北京張二

奎之門徒滿清中葉。蔣攸恬相國之家伶。蔣相國係從龍世胄。籍隸漢軍。其孫女婿爲麟趾。卽桂良相國之孫月樓是。蔣邸贈嫁之僕。麟趾在同治帝元年。簡放浙江杭嘉湖道署理藩司。二年太平軍二次攻破杭州。巡撫王有齡將軍瑞昌學政張錫庚及閩城文武。同時殉難。其時李鴻章署理江蘇巡撫。專摺奏報杭州失守。巡撫將軍以下一律殉國。麟趾亦在其內。故皆得卹典。實則麟趾未死。當城破之日。改裝乘亂逸出。先走寧波。其意欲航海北歸。徐圖挽救之策。詎知逗留寧波。聞已頒發卹典。且予謚焉。驚惶之極。不敢出頭。遂入普陀山削髮爲僧。蹤跡無人能悉。從此其存其沒。將信將疑。一個悶葫蘆。莫由打破。欲知後事如何。且聽下回分解詩曰。

第五十八回

萬里星船花明海外

一官風厲竹跪庭前

一例美人嗟命薄
紅粧船上尋生活

千秋名士色中迷
合與青樓格調齊

第五十九回

明月不歸春俠腸全負 留珠可返檳卓識堪師

却說麟趾字椒園。因杭州失守。微服逃赴甯波。聞已奉優卹予謚。不得不上普陀山爲僧。自此踪迹不明。其妻弟蔣斯崧字峻亭。候補知府。因胞叔蔣霨遠任貴州巡撫。蔣斯崧原隨任之貴州。得姊婿噩耗。兼程來浙江。探聽乃姊外甥消息。適左文襄宗棠漸次平定全浙。蔣斯崧迤邐至寧波。訪諸道台楊屹堂。始悉其姊攜外甥避居紹興府蕭山縣鄉間。乃親往迎迓。麟椒園生子女各一人。子名宗小園。年甫十四。已得蔭襲分部員外郎。女尙幼稚。雇媼哺乳。逃難時失散。不知去向。詎料爲乳媼帶走。此媼係上海浦東人。欲據此女爲已有。蔣斯崧輾轉研究。乳媼

第五十九回 明月不歸春俠腸全負 留珠可返檳卓識堪師

第五十九回 明月不歸春俠腸全負 留珠可返檳卓識城師

之來歷。方知已往浦東。乃託上海地方官竭力幫忙。喚緊圖甲。懾以權力。償以錢財。始得合浦珠還。蔣斯崧乃就上海赁屋。使其姊其甥暫時僑居。成立門戶。楊月樓贈嫁之時。年祇十餘齡。已卓然爲童伶。直至目前隨伺不去。蔣斯崧旣安置其姊與外甥。復赴杭州。訪覓麟椒園骸骨。始終無著。始知尙在人間。惟不知去向。音信杳然。斯時桂良年登耄耋。尙列朝端。一再拍電報到滬。謂無論生死。務得的實音信。始准眷屬回京。不得已。麟趾全家。羈留海上。衣食住三項人生要素。漸致缺乏。困苦異常。麟蔣氏萬分焦急。乃令楊月樓出台演唱。月樓乃進石路中呂桂卿所開金桂軒茶園。懸牌曰客串楊。當時劉維忠所開丹桂。正霞蔚雲蒸。生涯鼎盛。而金桂軒之客串楊。開演三天。凡南市之良家閨秀。北里

之紅妓名娼。無不趨之若鶩。舉國如狂。金桂之營業。立時篷勃。不可遏止。倉山舊主袁翔甫賦竹枝詞云。（丹桂無如金桂優。佳人何故喜勾留。一般京調非偏愛。只爲貪觀楊月樓。）一時狀況。可於言外見之。於是呂桂卿與之議定。一年包銀八百元。楊月樓卽以此錢爲供給主母贊幼主之需。未幾丹桂見而紅眼。願出一千二百元挖之。楊月樓遂舍金桂而就丹桂。聲譽之隆日甚。一日紅倌人之與有交情者爲兆榮里之李巧林。日新里之張秀卿。西公興里之沈月春等。皆一時之選。然妓女當時結識優伶。爲衆人所鄙視。故不敢公然往還。乃由房侍輩出面。另租私屋。僉呼爲小房子。（小房子名目卽從此起。）不若現在之淫伶蕩妓。不顧清議。肆無忌憚。一日排全本梵王宮。楊月樓倒串旦角。易

第五十九回 明月不歸春挾腸全負 留珠可返續卓識堪師

弁而釵。時良家婦女之觀劇者。實屬少數。往往保守廉恥。甘爲舊禮教所束縛。粵東人韋星卿。曾爲洋行買辦。病死之後。其妾王氏。同女阿秀。日日來看楊月樓所演之戲。王氏大加賞識。與之眉挑目語。好事遂成。及看梵王宮一齣。風流旖旎。體貼入微。阿秀亦不覺情動。連看三夜。愈覺傾慕。歸家後。懨懨成病。王氏自知年逾三十。恐楊月樓他日棄於半途。有如秋扇。乃將阿秀許之爲室。復以乳媼爲介紹人。將阿秀之年庚。送交月樓。月樓恐有未便。正在躊躇。王氏又託月樓親信之友。再三說之。月樓見阿秀綺年玉貌。且有厚奩。遂允之。定長至日成婚。前數天。王氏同阿秀。帶皮箱四隻。質居北市。先與楊月樓實行同居。阿秀尙有胞叔。時適返粵。有友人知其事。函知其叔。其叔大恚。急來滬。於廣肇公所。

中召開會議。韋姓固嶺南大族。卽上海商界中亦頗有體面。咸謂鉅商之女。豈可配諸梨園子弟。始議楊月樓如能將庚帖退還。顧全韋家表面。則可不予以深究。無如月樓不知利害。堅以庚帖可憑。同於鐵券。又以阿秀胞叔之來磋商。言極謙卑。誤爲黔驥之技止此。非但無磋商餘地。且置辦迎娶之事甚亟。阿秀叔知不可以理喻。遂控告伶人楊月樓。奸佔寡嫂。謀及弱女。私寫庚帖。希圖朦吞胞兄遺產等詞。時上海知縣爲葉廷眷。蘇松太道台爲馮煥光。皆廣東人。未免迴護同鄉。立卽據情照會英國領事。轉飭巡捕房。會同縣差提人。而楊月樓正租屋於六馬路仁壽里。懸燈結綵。預備結婚。殊不知紅鸞未照。白虎先臨。巡捕差役已登門逮捕。新郎捉將官裏去。嚴刑鞠訊。月樓堅不承認奸母謀女。葉知

第五十九回 明月不歸春使賜全負 留珠可返續卓識堪師

縣恨甚。必欲置月樓於死地。搜其寓所得淡紅色粉一瓶。指爲迷藥。其實非也。兆榮里李巧林聞之。卽爲賄賂申報館主筆。極力在報紙上代楊月樓辯護。西公興里沈月春初與月樓親近。尙無肉體之關係。一得此信。卽皇皇然詣差役商議營救之法。差役曰。縣官怒甚。晚堂已預備鐵錘矣。特不知所用耳。月春曰。除敲擊外。復有何用。不必言矣。能設法乎。差役曰。設法奈何。月春曰。若能以他物代鐵錘。使受刑者不致痛苦。則儂自有厚酬。差役詢以何者爲酬。月春曰。一擊酬銀一餅。若何役曰諾。乃立刻製軟木爲錘。使肌膚無損毫末。以欺蒙本官。原來滿清官吏刑訊案件。彼行刑之伍伯悉可作弊。有笞責數千板而未嘗受傷者。有僅笞一二百。卽血肉橫飛者。至於用杖用鞭掌頰。均可上下其手。他若

天平架鳳凰台老虎燈等諸酷刑亦可賄縱無非視金錢之多寡定受刑之苦否。沈月春深知底蘊故爲月樓謀之。平日其自奉素豐。山珍海錯。視同蔬菜之賤。至是盡撤其所供給。以餉月樓。已則茹素禮佛。朝夕喃喃爲月樓懺悔。獄中上下使費。暨月樓自身用度。皆月春以歷年積蓄支給之。此案直至葉廷眷去職。原告亦不深究。光緒帝元年恩詔大赦。楊月樓始照和奸律判杖八十。徒刑三年。翌年釋出。楊月春旣出獄之後。人皆以爲沈月春終身有託。玉樓春暖。雙月重圓。殊不知月樓棄月春如敝屣。掉頭北去。絕無一語道及。後又來上海。在丹桂茶園客串三夜。又越一年。月樓集資在寶善街一桂舊址。開鶴鳴茶園。已經成立。而仍爲道台馮煥光所干涉。以致輟演。流轉至蘇州杭州有年。後賴桂

第五十九回 明月不歸春俠腸全負 留珠可返橫卓識堪師

良府邸之力。入京都三慶戲館爲固定旦角。光緒帝十一年。上海有人思邀月樓。不吝重金託奧國領事夏士以楊月樓前在上海時。有奧國商人經手未了之事。以此爲由。稟請駐北京奧國公使照會總理各國事務衙門。飭令楊月樓來滬料理。時月樓已年過四旬。在京聲名甚好。以前案譁傳衆口。不願再尋煩惱。故謝絕不來。且說楊案旣出。阿秀亦遭刑責。且發堂擇配。旋嫁與年紀六旬之老翁。名孫翰卿。王氏及乳媼。枷號遊街。上海風紀爲之一肅。城內士紳。且有禁止良家婦女觀劇之議。以今相較。淫靡拐盜之風。習見而不以爲怪。相去何啻霄壤。楊月樓大負沈月春。甚而月春忿極。竟致削髮爲尼。後馬路上有一小足之尼姑。龍鍾老邁。身負木魚。三步一擊者。卽沈月春也。楊月樓臨死之時。滿

身潰爛。卽其淫孽負恩之報云。迨光緒帝中葉。而有高彩雲之案。高彩雲唱花旦。貌頗不惡。初到上海。所演殊生硬。且無個人獨備之行頭。秉性強橫。動輒持刀與人拚命。直至進石路天仙戲館。始覺出台純熟。行頭亦廣。製應有盡。有大可追步蔡桂喜。到滬甫及三年。聲譽日起。惟兇暴加甚。自恃孔武有力。一言不合。卽攘臂而前。與人鬥毆。故同業咸畏之。不敢與之頑笑。唱小生之周釗泉。與高彩雲最爲莫逆。常向之規勸。高彩雲語之曰。唱花旦者萬不可懦弱。否則卽受人欺侮。非此不足以保全名節。故梨園中人咸呼高彩雲爲強盜屁精。唱武老生之李茂林。其妻戈氏。渾名白娘娘。李茂林病死。白娘娘卽再嫁高彩雲爲室。正式成婚。並非姘識。游戲報刊登白娘娘私姘和尚。爲高彩雲所見。持刀至

第五十九回 明月不歸春僕腸全負 留珠可返檀卓識堪師

報館理論，幸周釗泉出爲調處。事始寢。於此可見其蠻橫已極。妓女顧彩林。夙與高彩雲相好。及顧彩林嫁金琴生爲妾。金琴生原營報關生意。後以多財善賈。由商人而伍官場。卒因計擒范高頭伏法。遭人暗殺。其納顧彩林也。猶未嶄然露頭角。顧彩林當賣笑生涯之際。入不敷出。日處貧鄉。高彩雲常常周濟其急。故顧彩林感激之甚。旣嫁金琴生。不忘其舊。仍與高彩雲祕密往來。初尙藏頭露尾。繼則恩愛逾恒。明日張胆。高彩雲竟出入金琴生之家。毫無忌憚。時顧彩林與金琴生之大婦同居。已生男子。將匝歲。一日金琴生歸家。入顧彩林房內。適遇高彩雲。彩雲非但不懼。反厲聲以詈罵。繼更持刀拚命。脅迫將彩林歸其所。有金琴生因孤掌難鳴。恐遭其毒手。唯唯應命。顧彩林以所生之子。關

係天性不忍離金氏還去。高彩雲又進迫一步。務須許彩林攜子同走。金琴生到此地步忍無可忍。寧使擗兇鋒以傷生命。卽狂呼救命。其大婦在別室已備聞二彩之逼迫其夫。初以爲留珠去續事亦極美。迨聞丈夫之大聲叫喊。恐釀鉅禍。急招呼鄰居及僕役。一鬨至彩林房內。高彩雲見人多手衆。知事不妙。遂突圍逸去。金琴生驚魂甫定。忿不可遏。英國人喬西治與之非凡投契。金琴生急覓喬西治細述緣由。密商對付方法。喬西治以是可忍。孰不可忍。願出力援助。卽令金琴生據情向會審公堂及巡捕房控告。以鄰居與所雇車夫爲證人。喬西治向英領事及捕頭接洽。備述金琴生之被脅情形。翌日巡捕房卽將高彩雲拘捕解訊。中西官會審之下。以中有隱情。不予深究。判高彩雲禁押西牢。

第五十九回 明月不歸春使腸全負 留珠可返續卓識堪師

半年期滿遞解回籍。是案高彩雲罪重罰輕。實邀天幸。詎知其同班之潘一樵代抱不平。延請律師覆控。欲使高彩雲出罪。江蘇巡撫恩壽經金琴生託人關說。札飭上海道台照會租界領事將此案提省。恩撫台以一介伶人如此胆大妄爲成何事體。高彩雲解省審訊。判決監禁十年。至顧彩林已生一男子。金琴生不忍其收監。求發棲流所留養俟其實能改悔。再行收留。由本夫按月貼給膳費。高彩雲先禁吳縣獄中。後因有越獄嫌疑。改押崑山縣獄。監禁數年。忽然患病。渾身發腫。醫藥無效。遂死於崑山獄中。報由鄰封相驗。委係因病身死。飭其家屬收殮。其妻白娘娘在上海聞信。趕赴崑山。將夫屍領出棺殮。歸葬於滬。此案若無潘一樵延請律師。半年即可出獄結案。何致瘦斃。真可謂愛之適以

害之。高彩雲案初起，好事之文人，敍其始末，編爲彈詞，名采采詞。金琴生逆料必有人編著，恐彰其醜，特請求巡捕房禁止。采采詞內容，据述高彩雲不但於顧彩林爲妓之時，竭力周濟，即嫁金琴生以後，每月仍津貼若干。金琴生假作癡聾，置之不問。高彩雲之持刀逞兇，並非挾制恫嚇，以顧彩林由己出錢常包。金琴生向來知之，實忿其見而相逐，其然豈其然乎？高彩雲之門下周鳳文，有人詢之，答實有其事。然或弟爲師譚，但凡屬梨園中人，皆如是云云。此外淫伶之受法律裁判，又有霍春祥。春祥十三歲，即出台於蘇州，唱小老生，並不佳妙。後搭上海天仙茶園，噪已失音，貌亦平常，而肌膚白皙，善於修飾，專以勾引婦女爲能事。然探其究竟，好色猶在其次。其宗旨實爲騙財。其生平並未接受鉅

第五十九回 明月不歸春夜賜全負 留珠可返價卓識堪師

數之包銀。而家中富埒王侯。其父霍克明。久不唱戲。儼然以老封翁自居。養尊處優。席豐履厚。皆其賢郎所攫取而來。故一任其子之胡爲。霍春祥在女子處。所得之財。以費七之妾最鉅。費七姑蘇望族。家資百萬。所納者。本金闔名妓。曰洪雙珠。日往戲園。與霍春祥眉挑目語。潛爲姘識。春祥自蘇遷滬。嗣復自滬移蘇。年已屆三旬。猶薰香傅粉。搔首弄姿。藉以取媚女客。日夜荒淫。致成痿症。而尙怙惡不悛。當搭班蘇州時。奔走權門。如憚姓沈姓費姓諸宦家。靡不時有其足迹。彼等喜霍春祥之善於逢迎。咸樂與之親近。殊不知其包藏禍心。毒過蜂蠻。其所演戲之館。必自備包廂。挨次輪請諸宦家姪妾。春祥偶串花旦。所穿之行頭。悉向各宦內眷借來。且又不自歛迹。誇耀同班以爲榮。同班羨極生妬。羣

相譏。謂各宦家之主人。初則昏憒糊塗。任聽妾女之妄爲。繼而醜聲四播。勢已燎原。於是暗相集議。謂其始不能杜漸防微。其終必致蒙羞遺臭。故莠草不除。嘉禾不能長。太又因投鼠未免忌器。一經玷辱家聲。非西江水所可洗滌。乃相率密訴於當道。時平湖朱之榛字竹石。署理臬司。朱渺一目。故人皆呼爲朱瞎子。係著名江南能幹之吏。旣知此事。飭傳霍春祥至署。當面問話。時春祥已略有聞。卽遁之滬上。朱瞎子乃令家丁持名片。追蹤至上海邀春祥。春祥以爲用名片而不是牌票。必無他虞。卽隨該家丁返蘇入署。朱瞎子一面將春祥軟禁。一面立傳蘇州府知府長洲元和吳縣三知縣面諭。欲知後事如何。且聽下回分解。

詩曰。

第五十九回

明月不歸春狹腸全負

留珠可返檀卓識堪師

優孟衣冠劇可憐

如何風月占無邊

第六十回

賽馬園場此地誰悲宿草 飛駒過隙霎時頓易滄桑

却說朱瞎子對於伶人霍春祥。主張嚴懲。卽傳蘇州一府三縣。到轅面諭。謬稱撫憲交下。訪聞淫伶霍春祥奸騙婦女。詐索錢財。務須懲一以儆百。著依照處治流氓。從重定罪。府縣當然遵諭辦理。卽將霍春祥交發審局。判決禁押流氓公所二十年。遠近傳聞。人心大快。卽彼同業中人。亦羣謂應得重辦。其父霍克明。不悟縱子爲非。反大罵官府懲辦爲冤枉。於是不吝資財。設法營救。以爲錢可通神。求北京大力者。致函蘇省當道。託爲轉圜。無如鐵案已定。礙難脫罪。直至民國光復。霍春祥始獲釋出。回復自由。此妾雖不若楊月樓高彩雲之轟動一時。亦可謂伶

第六十回 賽馬園場此地誰悲宿草 飛駒過隙霎時頓易滄桑

第六十回

賽馬圍場此地誰悲宿草 飛騎過隙霎時頓易滄桑

界之穢惡。史泰西各國視戲劇爲移風易俗之具。通儒碩彦不憚絞其腦汁。編成種種曲本。播諸絃管。現諸氍毹。使觀衆印入腦海。收潛移默化之功。厥功不在文字之下。清季以還。我國人士漸明此理。於是有所改良舊劇之作。倡之者爲汪笑儂。繼起者爲夏氏昆季。排演節目頗多宜雅宜俗。可泣可歌。而菊部子弟。卽一躍而尊稱爲藝員。於是伶人之程度日高。多自好之徒。不復從前之荒淫無度。記者以爲中國社會之進步。舍伶人外無可稱道。國人向視戲劇爲游戲之端。未關教育。詎知外國講求通俗教育。以此爲第一件。泰東西各國人之遊戲。莫不寓深意其中。試觀西人於朋友歡聚之處。謂之總會。上海法蘭西總會在公館馬路。英吉利則在福州路東首。每值安息之日。怒馬高車。如雲而至。簪

居冠蓋。座上常盈。或打彈子。或鼓鋼琴。或淺斟低酌。或跳舞高歌。任意娛樂。毫無拘束。若華人之在滬者。雖亦有總會之組織。無非賭麻雀牌。九撲克。搖寶。甚而叫妓女堂差。吸鴉片烟。爲人人普通之習慣。同一娛樂品。其污穢孰甚。蓋莫不以金錢爲勝負。惟廣肇公所之俱樂部。尙有文明之游戲。此外如一邱之貉。致爲東西洋各國所不齒焉。西人遊戲之舉動。以外正多。最著名者爲賽馬。春秋佳日。旅滬西人。必羣赴所闢賽馬場。卽俗呼跑馬廳。是場之廣可數里。內設木欄。分爲數圈。中央細草如茵。嫩碧可愛。爲拍球之所。外圈爲賽馬處。賽時。或七八騎。或十餘騎。騎者各衣彩色之衣。勒馬立場之西北隅黑柱下。鈴響馬發。繞場疾走。以先至黑柱者爲勝。如是者三日。每日所賽次數。至少六七。多或十。

第六十回 賽馬園場此地讓悲宿孽 飛駒過隙霎時頓易滄桑

次外向例以星期一始星期三終。休息二日至星期六復賽。作跳浜之舉。浜累土爲之。闊約一丈。高約三尺。以馬能躍過者爲勝。西人視此舉非常重要。開賽之日。海關郵局。上午祇辦公半日。下午均停止。勝負絕鉅。惟華人例不得與賽。然而紅男綠女。華人觀賽者。舉國若狂。前者北里妓女。莫不顯其恩客。在此三日內。糜費無限金錢。大出風頭。近二十年。此風稍稍陵替。直至民國十年左右。有華商之擁鉅資者。憤西人不許我與賽。爰鳩股創設公司。購地租界以外。闢跑馬場。稟請官廳立案。經之營之。成立華人賽馬之區。一在江灣。曰萬國體育會。一在引翔港。曰遠東運動場。其魄力之雄偉。實駕西人跑馬廳而上之。又西人有賽花之舉。每當春夏之交。或在英國領事衙門。或在南京路之市政廳舉。

行賽花會。羅海外之奇芳。助滬江之清興。每會定期二日。可以任人玩賞。惟入場必先納游資。其數番佛一尊。泰西士女接袂連裾。盛裝而至。若華人眷屬。則偶一入之耳。花間復設有西樂一部。品紅評綠之餘。聆悅耳之音樂。益覺心曠神怡。惜乎西國名葩。嬌豔或過於華產。然有色無香。終不若中土所有。芬芳遍體。開而解語。以視城內豫園。每年春夏之交。有蘭花會。琪花瑤草。名貴非常。滬北徐氏雙清別墅。每年正月有梅花會。暗香疏影。古致盎然。九十月有菊花會。芳菲萬木。列若屏風。彼西人視之。未免十分遜色。又有賽船。吾國自昔有龍舟之競渡。內地在三十年前。猶時舉行之。惟必在端午節。相傳爲拯屈原也。上海黃浦江中。迄今有江北船。每年點綴一二數載之後。恐不可再覩。惟外人之賽。

第六十回 賽馬圍場此地誰悲宿草 飛駒過隙霎時頓易滄桑

船年盛一年。首行於黃浦江。後行於吳淞江西段。泊舟不多之處。近年必至崑山之青陽江。中國人士。恆守閉關主義。以青陽江屬內地。非通商埠。故屢次與外人交涉。禁往賽船。然而禁者自禁。賽者自賽。其法用一小艇。以一人把舵。四人或八人蕩槳。輕捷如飛。船上國旗飄揚。其意甚得。先至植標處者爲勝。輸贏之鉅。不亞於賽馬。如有不善駕駛者。則衣履盡溼。岸上人則拍手姍笑。此亦最有益之游戲法。未知吾國人亦有踵而行之之一日否。西人高尙之游戲。猶有跳舞與跑冰兩種。跳舞之舉。吾國前未之有。近則風行一時。上海開跳舞場。以營業者。幾與電影之日新月異。相等。究其實際。悉爲勾引癡男怨女之媒介。敗俗傷風。莫此爲甚。西人不然。必開盛大之宴會。始一舉行跳舞。而作俑之始。於

遊戲之中。寓尚武之意。蓋其初設布慢於廣場上。如營帳然。舞必以夜。燃燈千百盞。密若明星。燦如白晝。與會者皆窄袖短衣。取其便利。沿至今日。中國之跳舞者。試問其義安在。恐皆瞠目而不知所對。至跑冰亦西人行樂之一端。擇冬日嚴寒之時。空一室。沃水於地。水結冰則復沃。如是者數次。冰厚盈尺。乃穿鐵齒屐飛行其上。以迅速爲勝。其有足力不競者。跌仆於地。旁人皆拍手大笑。此項跑冰場。上海原祇一處。在虹口乍浦路。後斯地爲影戲院。卽移至虬江路。每晚士女聯翩而至者極夥。轔轔軋軋之聲。達於戶外。嗣因建築舞臺。再遷至虬江路之北。地隣鐵路。殊覺黑暗。出入多不便。故生涯一落千丈。後新世界以推廣遊戲起見。特設跑冰場於樓下。往試者非常擁擠。繼而大世界亦成之。惟沃

第六十回 賽馬圍場此地誰悲宿草 飛駒過隙霎時頓易滄桑

以水門汀與冰無少異。凡此種種均西人所提倡而吾國人亦步亦趨。無非爲牟利之計。但一經效鑾往往入於淫穢。豈華人真不如西人哉。一言以蔽之。無教育而已。上海租界人烟之稠密不可言喻。內地多一次亂事。則租界定增人口若干。多一地兵燹。則租界又增人口若干。所以前者外人急欲將租界推廣至再至三。幸國人明瞭大勢。衆志成城。爲政府後盾。故政府外交得稍有進步。然外人以目的未達。心有所不甘。乃得寸進尺。不待吾國允許。擅向華界建築馬路多條。蓋外人政策路線所經。即在其治權範圍以內。漫假而釘門牌。站警察。來日方長。後患可慮。閩北市政。幸吾國先著祖鞭。否則早入外人版圖。今欲杜外人越界築路等陰謀。不得不先追述滿清政府當時與之爭執詳情。光緒

帝三十四年。外務部接駐京英國公使照會。謂本年六月間。駐上海各國領事。照會兩江總督。將租界北綫。展至滬寧鐵路爲止。擬展之地。雖有華工部局。（指閩北巡警局）管理警察衛生各事。無不因陋就簡。二十五年。推廣租界時。本擬將是處包括界內。前督恐車站包入。因寶山境內租界事未議妥。故未允辦。今租界北至鐵路。幾成爲洋商圈地新界。亦不包車站。而江督復稱。二十五年推廣之舉。爲永不再展之意。寶山非通商口岸。未便包入租界。警察衛生各事。將來必漸完全等。因本大臣以此事關係重大。未便就此抹倒。春間本大臣過滬時。更躬往查閱。極知華工部局腐敗各節。且此等事件。每每在外交涉。不足以證貴王大臣輯睦之誼等語。外務部接准此項照會。並未詳查檔案。卽照

第六十回 賽馬圍場此地誰悲宿草 飛駒過隙霎時頓易滄桑

錄來文。電詢兩江總督。略謂此事案准貴督咨部。現在如何情形。前次展界案內。有無不得再展明文。希卽查復。以憑核復英公使云云。並謂該處警察。倘生各事。應亟飭巡警局認真整頓。旋接江督覆電。略謂前據上海領袖領事照請。將公共租界北面推廣至鐵路軌道爲止。當以上海租界本極廣闊。二十五年劉大臣核准。由中國自行推廣公共租界二萬一千五百餘畝。較原定英美租界。幾增兩倍。其所以格外從寬者。原欲一勞永逸。後此不必再展。不謂今甫數年。界內空地尙多。又復稱益。現新舊租界共三萬二千一百餘畝。無論日後洋商如何加增。斷無不敷之理。所請推廣之地。以租界與鐵路中間所夾之一段。劉大臣所堅持未允者。該處在寶山縣境。非約開之口岸。洋商在彼租地。本係

通融辦理。豈能據以爲例。遂請展拓。且寶山縣已在吳淞自開商埠。儘可在彼借用等語。切實駁復在案。奉電前。因查前次展界。經劉大臣飭上海道李光久。作爲自行推廣。權操自我。與各領事商定界址。並未另立新章與合同。其往來函牘中。雖未切實聲明。以後不得再展。惟其時爭論兩年。堅不允寶山境地割入租界。則不可再展之意。甚爲明顯。惟工部局久涎此地。上年擅填上寶交界之川虹浜。私拔界石。飭由上海道屢與交涉未了。八月中。曾咨達鈞部。現在英使續請。蓋欲抵制前案。務求鈞部力爲主持。除抄來信件照會。另函奉達。並飭將警察衛生認真整頓外。謹先電復。越數日。江督又續電外部。內稱飭據上海蔡道電復。英使所藉口者。不外警局腐敗。遇事在外交涉。及洋商租地兩端。不

第六十回 賽馬園場此地誰悲宿草 飛駒過隙霎時頓易滄桑

知南北市與租界毗連處甚多。南市及西門外警察從未與法界巡捕
齟齬。同一自辦之警察何以閘北獨屢有衝突。此中交涉複雜原因究
由洋商抑由華警不難立判。況自汪道瑞閩晉京後職道督飭員司認
真整理凡事和平處置迄今汪道回差亦仍守和平主義不事激烈。謂
爲腐敗毋乃太甚。卽以洋商租地論其拓界內未用之地固多荒僻。西
報嘗論其荒蕪不治專肆意於界外營求斥爲無理。可見公道在人且
新聞橋南毗連租界如梵王渡等處歷以洋局昔年在彼圍築馬路華
局未經設巡可供洋商租用之地尤廣。如謂華局衛生等事欠妥何以
西人不擇居於未設華局地方而欲擇居於衛生欠妥之處雖愚當不
出此。况中國有保護洋商之責。閘北華界設巡又爲地方廳辦之事無

論租界處於何等地位。中國總不能不自設巡警。卽有事不能不與洋商交涉。又豈能因藉口華局腐敗一語。一概抹倒至寶山縣地。非約開口岸。從前洋商借作靶子場。卽今北四川路。一名靶子路。曾由黃前道與英總領事韓君哲君立約訂明。特別通融。此後不得爲例。本成鐵案。後雖經劉前憲准照租定雜居。亦議定由寶山縣給契。不給道契。以示區別。其謂當時不允包括界內。實與立約原案之意相符等情。當由外部據情酌覆英使。當時拒絕滬寧車站之不劃入租界。其情節如此。自立江寧條約外。八相偕而至。經營租界。在當時定議之初。並不卽名爲租界。不過滿清政府劃定一地。准外人於此地內租地建屋耳。故租界之租字。係租地之租字。移換而來。自太阿倒持此劃定之界內。一切統

第六十回 賽馬園場此地誰悲宿草 飛駒過隙霎時頓易滄桑

治權漸漸放棄。於是外人始組織工部局以管理市政。設立巡捕房。以總持警政。而商埠之上海。乃成爲租界之上海矣。觀法大馬路。名公館馬路。則以通領事署在此馬路中而名。而當時之領事署。不自居於衙門可知。巡捕房普通稱之曰行。四馬路之巡捕房。稱老行。大馬路之巡捕房。稱新行。行乃買賣交易之名。則當時巡捕房亦不列於衙門矣。撫捕房。稱新行。行乃買賣交易之名。則當時巡捕房亦不列於衙門矣。撫今追昔。孰爲爲之。豈不可慨。夫租界之租字。本由租地之租字影射而成。譬之我准外人於此地寄居。（華洋雜居之制。至今尙未頒行）外人卽視此地爲彼有。彼之侵占。我之放棄。前已言之矣。今洋文之公共租界。爲公共殖民地。法租界則更進而爲彼之市鄉。我中國人仍茫然無所知。辛亥年九月。上海光復。工部局發貼告示。大書特書曰。各國駐

滬公地。則悍然將租字刪去矣。今則卽我華人自稱。間亦省字作法界。英界云云。與天津之人力車夫所稱之法國地。英國地等。同一自甘奴隸之口吻。此事始則我國僅認彼於某地界內。有租住之權。而彼則強名之曰租界。今則我欲名之曰租界。而彼且驕驕焉名之曰彼之公地。及彼之市鄉矣。傳所謂得寸進尺者非耶。上海自有租界。種種罪惡。於焉叢集。而人海之區。卓卓可傳之奇材。亦不在少數。辛亥之秋。革命軍起。清社遂屋。軼聞不可勝紀。有因極微細之端。幾致釀成鉅禍者。而名目之怪誕。亦令人咋舌不止。欲知後事如何。且聽下回分解。詩曰。

無限英雄化劫灰。百年華屋幾蒿萊。

三更月冷。牕啼急。塵夢何時始醒來。

第六十回 賽馬圍場此地誰悲宿草

飛駒過隙霎時頓易滄桑

